




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.440







Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.440




Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.440





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.440








2. 6. 460





























NVNCPATORIA.

monumentis literarum commendauerint, ut cæ-
certis festiuis diebus populo Christiano propos-
itæ, incitamento sint, ad similia in afflictionibus
perferenda, paremque fortitudinem & perseue-
rantiam in aduersis certaminibus adhibendam.
Nihil enim est aliud uniuersa Christiani hominis
uita, q̃ militia super terram. Iuxta illud Chryso-
stomi: Tu Christiane delicatus es miles, si putas
te sine pugna uincere, sine certamine triumphare,
exerce uires fortiter, dimica atrociter, in præ-
lio isto concerta, considera pactum, quod spon-
didisti: conditionem, quam accepisti: militiam,
cui nomen dedisti, hoc pacto cuncti pugnant,
hac conditione uniuersi uicere Christiani, &c.
Haud abs re & nos quoq; uidebatur facturi, si
præsentēs hos nostri sæculi & ordinis martyres,
pari pietate ac industria descriptos, curaremus in
publicum uenire, ac candidis animis per Typo-
graphorum operam immortalitati consecrari,
præsertim cum hij eo nobis maiori debeant esse
hortamento ad eundem calicem, si ita Deo pla-
cuerit, bibendum, quo et ætate propiores, & pro-
pter eundem ordinem eandemq; uitæ regulam
nobis fuere coniunctiores.

Porro autem uobis Reuerende Pater, ob id
b potissis

EPISTOLA

potissimum præsentem hanc historiam trans-
mittendā, ueltrōq; nomini peculiariter nuncius-
pandam duximus, ut quemadmodum hætenus
& uitæ instituto & periculis sustinendis, proxi-
mè ad istorum sanctorum Martyrum imitatio-
nem accessistis, ita et in posterum ipsorum exem-
plo ad perseverandum, quacūq; cœpistis uia, intre-
pidè pergendum & ad cursum alacriter consum-
mandum animemini, incitemini et corroboremini.
Non defuit antehac animus uester martyrio,
sed potius animo uestro martyrium defuit, qui
pro Christi charitate ac nostræ religionis zelo,
innumerabiles in hunc usq; diem peregrinatio-
nes, labores, molestias & uitæ discrimina sustis-
nuistis, dum primum Hildesemensi Carthusia
excedere iussi, ac mox à Reuerendo totius ordi-
nis patre & capitulo generali commissione legi-
time accepta, nullum diem intermisistis, nullam
quæ uobis requiem concessistis, quin in diuersis
Carthusijs ab Apostatis passim ablata repeteretis,
diruta repararetis, deprauata reformaretis,
omniaq; tandem in pristinam & Catholicam
Orthodoxorum patrum integritatem reuocaretis,
qua in palæstra, dum foeliciter, aspirante cœ-
lesti fauore, luctamini, quantam odij molem,
quan-

NVNCVPATORIA.

quantamq; huius mundi magnatum & potentum inuidiam sustinueritis, hac præsertim turbulentissima tempestate, facile est cuius non imprudenti per sese estimare. Ceterum, quemadmodum uos istis uestris laboribus, nisi ab ipso sufficiente omnis boni remuneratore Deo, condignam mercedem nunquam accipietis: ita currentibus uobis calcar addere, & pro uirili allaborare, ut in salutaris isto opere ad finem usque perduretis, nullam, sicuti plane nobis persuademus, apud uos utique in reprehensionem unquam incurrat. Quinimò presentem hanc nostram erga Reuerendam uestram paternitatem obseruantie significationem, tanto speramus uobis futuram gratiorem, quanto Carthusianorum istorum Martyrum historia, propter eundem (sicuti iam aliquoties dictum est) ordinem eandemque uitæ regulam, planeque contemporaneam nobis passionem, efficacius, uiuidius, & expressius potest uos in magnanimis & diuinis istis uestris operibus confirmare & corroborare, adiutore patre coelesti, qui ut similiter perficere non dedignetur, quod in uobis, tanquam singulari ad hoc delecto organo incepit, per Dominum nostrum Iesum Christum indefinenter obsecramus. E dicta nostra domo ad Moguntiam sita, Anno Domini incarnationis. 1550, Mense Iulio. b n Ve

VENERABILI
BUS ET RELIGIOSIS VIRIS

ac Dominis, Vito à Dulken Priori, & Guilielmo à Sittart Procuratori Carthusiæ Moguntinæ, suis in Christo colendis Patribus, Cyprianus Vomelius à Stapert, LL.
Doctor, S.

Constituunt alij speciosa toreumata Diuis,
Dum precio grandi marmor eburq; parât.
Votivas alij ponunt de more tabellas,
Quas rude miretur vulgus in æde sacra.
Est quoq; qui statuas auro gemmisq; decoret,
Ingenij cupiens ædere signa pij.
Ast hæc cuncta loco tantum spectantur in uno,
Quoq; minus prosunt, hoc minus illa probem.
Vos ô Vite Prior facitis præclarius ergo,
Atq; domus curam tu Guilielme gerens:
Qui studio unanimi & sincera mente, piorum
Æditis in lucem facta stupenda Patrum,
Ut iam cognosci possint, cerniq; legiq;
Quâ Sol Oceanum flammiger ambit aquas,
Vtq;

Utq; hæc Christicolæ doceant exempla per orbem,
Vulnera pro Domino ferre Crucemq; suo.
Hanc operam uestram laudare uiriliter ausim,
Atq; alijs multis præposuisse uelim.
Hæc uestros animos intentio sancta decebat,
Hæc exercitij cura beata fuit.
Qui uelit, aspiret grandes ad opes & honores,
Hæc sit uestra quies, uester hic esto labor.
Cumq; sacris hymnis precibusq; Deoq; uacatis,
Nostra, precor, uestri pars quota sit meriti.

b iij Tabula

TABVLA AFFIXA Ad SE.
pulchrum Thomæ Mori.

Vita Thomæ
Mori.

Thomas Morus vrbe Londinensi, familia non celebri, sed honesta natus, in literis ut-
cunque uersatus, quum & causas aliquot annos
iuuenis egisset in foro, & in urbe sua pro Shyre-
no ius dixisset, ab inuictissimo Rege Henrico
Octauo (cui uni Regum omniū gloria prius in-
audita contigit, ut fidei defensor, qualē et gladio
se et calamo uere prestitit, merito uocaretur) ad-
scitus in Aulam est, delectusq; in Consilium, &
creatus Eques, Proquæstor primum, post Can-
cellarius Lancastriæ, tandem Angliæ, miro
Principis fauore factus est. Sed interim in pu-
blico Regni Senatu lectus est Orator populi.

Tunstallus.

Præterea Legatus Regis nonnunquam fuit,
aliās alibi. Postremo uero Cameraci, comes &
collega iunctus principi legationis Cuthberto
Tunstallo, tum Londinensi, mox Dunelmensi
Episcopo. Quo uiro uix habet Orbis hodie
quicquam eruditius, prudentius, melius. Ibi in-
ter summos Orbis Christiani Monarchas rur-
sus resecta fœdera, redditamq; mundo diu desi-
deratam pacem, & lætissimus uidit, & legatus
interfuit, quam superi pacem firment, faxint-
que

que perennem. In hoc officiorum uel hono-
rum cursu, quum ita uersaretur, ut neque Prin-
ceps Optimus operam eius improbarer, neque ^{Qualis in Man-}
Nobilibus esset inuicis, nec inuicundus popu- ^{gistratu fuit}
lo, furibus autem, homicidis, hæreticisque mo- ^{Morus.}
lestus. Pater eius tandem, Ioannes Morus
Eques, & in eum iudicium ordinem à Principe ^{Pater Mori.}
cooptatus, qui Regius confessus uocatur, ho-
mo ciuilis, suauis, innocens, mitis, misericors,
& quus & integer, annis quidem grauis, sed cor-
pore plus quam pro ætate uiuido. Postquam eò
productam sibi uitam uidit, ut filium uideret
Angliæ Cancellarium, satis in terra iam se mo-
ratum ratus, libens emigravit in coelum. At fi-
lius defuncto patre (cui quam diu super erat
comparatus, & iuuenis uocari consueuerat, &
ipse quoque sibi uidebatur) amissum iam patrem
requirens, & editos ex se liberos quatuor ac ne-
potes undecim respiciens, apud animum suum
cepit per senescere. Auxit hunc adfectum ani-
mi subsequita statim, uelut ad patentis senij ^{philosophia}
gnum, pectoris ualeudo deterior. Itaque mor- ^{Mori.}
talium harum rerum satur, quam rem à puero
penè semper optauerat, ut ultimos aliquot uitæ
suæ annos obtineret liberos, quibus huius uitæ
negot

negotijs paulatim se subducens, future possit im-
mortalitatē meditari, &c. Tandem Anno Mile-
simo quingentesimo tricesimo quinto, sexto
Nonas Iulij, ob defensionem Iustitiæ ca-
pite truncatus, foeliciter migrare me-
ruit ad Christum. De quo in
fra latius folio 3. B.

*Bernardus ad Carthusianos fratres
de monte Dei.*

Nolite timere pusillus grex, ait Dominus: sed
omnino confidite, quia complacuit Deo Patri,
dare uobis regnum. Videte fratres mei uocatio-
nem uestram. Altissima enim est professio
uestra: cœlos transit, par angelis est, ange-
licæ similis puritati.

Quicquid habes meriti, præuentrix gratia donat,
Nil Deus in nobis præter sua dona coronat.
Tendimus huc omnes, metâ properamus ad unam,
Tristia damnatis, sunt gaudia plena beatis.
Dignior est sceptro, & regni diademate uirtus,
Post obitum æterna manet sequiturq; sepultos.
De

I
DE CAPTIVI
TATE ET MARTYRIO D. IO

*annis Phischeri, Episcopi Roffensis, propter
secundas nuptias Regis, & constitutionem
schismaticam.*



Reuerendus Pater D. Ioannes,
Episcopus Roffensis, dum per
pastoralem curam apud oues si-
bi commissas residens, custodiret
uigilias noctis supra gregem su-
um, tum uite sanctimonia atq; austeritate, tum
administrandis Sacramentis, tum assiduitate do-
cendi uoce simul & scriptis, deniq; mira liberalita-
te in egenos, benignitate in studiosos multis an-
nis uerū agebat Episcopum. Hic ergo quasi stella
matutina in medio nebulae, & quasi luna plena in
diebus nostris, & quasi sol refulgens, sic effulsit
in templo D. i. errantia m̄q; tenebras suę sanctita-
tis et eruditōis splendore discussit. Verum talis
ac tantus uir, qui in diebus suis placuit Deo, &
inuentus est iustus, dum urgente conscientia pri-
mum quidem secundis nuptijs, quas Rex (re. uo-
B diata

HISTORIA

data & superstitie D. Catharina prima uxore
sua) cum quadam Anna superducta , Anno
Domini M. D. XXXIIII. celebrare consti-
tuerat, tum uerbis tum scriptis contradiceret:
Deinde nouæ constitutioni totius Concilij seu
Parlamenti regij (quæ Regem ipsum supremū
post Christum, tam in spiritualibus quàm tem-
poralibus, regni caput, sub pœna corporum &
rerum, ab omnibus suscipiendum & tenendum,
& omnem aliam extra regnum Ecclesiasticam
potestatem abnegandam, schismatica temerita-
te mandauerat) sese Dei solius & ueritatis intus-
itu, constanter opponeret, per satellites publica
potestate apprehensus, & in arce seu turri Lon-
doniensi multis diebus captiuus detentus est.
Hinc XV. Kalendas Iulij, Anno XXXV.
productus, & ad curiam prope Westmonaste-
rium frequenti satellitum armatorum stipatu,
perductus est, partim nauigio, partim equo, ob
corpusculi debilitatem, quam præter ætatem aux-
erat carceris incommoditas, licet ipse ualeitudi-
nem suam ieiunijs & uigilijs, studijs & laboribus
ac lachrymis, uehementer aggrauasset. Ille ue-
ro, tam tsi non ignoraret eius cognitionis exi-
tum, nihil tamen perturbatus est, sed placito ac
prope

MARTYRVM ANGLIÆ. II

prope etiam ad hilaritatem vultu composito, ad tribunal euocantibus paruit. Cumq; super obiectis articulis interrogaretur, iuxta D. Thomæ Mori, & aliorum qui sequuntur martyrum responsa, in sequentibus fusius expressa, per omnia Catholicè respondit, adeo, ut mirarentur aduersarij conformitatem responsorum, nescientes unum veritatis spiritum, unam per omnes eloqui veritatem. Quapropter iuxta morem eius regionis, per duodecim viros, ad pronuncian- dum de eo (num morte dignus esset, qui constitu- tioni Parlamenti obstiteret) delectos, foedo & terribili mortis genere damnatus est, simul atq; Regi uisum esset. Hoc adiectum creditur, si for- te spe ueniæ posset à sententia deduci, supplicio terribus Carthusianorum, qui paulo ante, suspen- si, eviscerati, & membratim diuisi fuere. Quod autem minore post pœna affectus est Rossensis, q̃ minabatur iudicium sententia, in causa fuisse putatur, quod metuerint, ne senex & exhausto corpusculo, si per uia tam longam rheda trahæue tractus fuisset, ut alij, sponte expiraret. Igitur no- ster Rossensis accepta tam horrendæ mortis sen- tentia, quum satellitibus stipatus reducere ur in arcem, ut ad ostium uentum est, uersus ad satel-

B ij lites

HISTORIA

lites hilari placidoq; vultu: Plurimam (inquit) boni uiri, uobis habeo gratiam, pro officio quoniam euntem & redeuntem deduxistis. Dixisses hominem ex hilari suauiq; redire conuiuio, adeo & color erat iucundior, & ipse toto corporis gestu, quatenus per grauitatem licuit, letitiam quamdam pre se ferebat, ut nemini non esset perspicuum, sanctissimum uirum, ceu iam portui uicinum, toto pectore ad illam beatam tranquillitatem aspirare. Nec diu dilata est mors. Ad decimum Calen. Iulij productus in planiciem, quam Angli uulgo dicunt ruris collem, vultu non solum constanti, uerum etiam alacri, paucis allocutus est populum. Primum Regi Regnoq; bene precatus est. Mox ardenti magis quam prolixa oratione seipsum, Dei misericordiae commendauit: si nullo procumbens in genua, gracili & exhausta ceruice securim accepit. Neque enim apud Anglos carnifices gladio ceruicem incidunt, sed damnato in truncum ad id apparatus inclinanti, securi caput amputant. Quanto cum animi dolore uiderint hoc spectaculum, quibus religio pietasq; cordi est, & qui Christi spiritum in pastore operantem experti fuerant, facile quuis ex se poterit aestimare.

Fertur

MARTYRVM ANGLIAE. III

Fertur quidem, quum Episcopi Rossensis caput esset in ponte Londoniensi de more expositum, non solum non emarcuisse, uerum etiam magis effloruisse, uiuoq; factum similius. Ea res seu fama, quum uulgo increbuisse, sublatum est atq; abditum. At ueriti ne idem eueniret in capite Thomæ Mori, priusquam exponeretur, aqua feruenti decoctum est, quo plus haberet horroris. Heu quomodo mori iustus, & nemo percipit corde: Heu quomodo sanctus Doctor Ecclesie, præco Dei, propugnator fidei, uerus pastor, dans animam pro ouibus suis, tanquam fur & latro propter uilissimam adulteram, pro suis sceleribus postmodum ultimo supplicio, ab ipso Rege affectam, diutissimo carceri mancipatur, & propter unitatem fidei & Ecclesie tuendam, turpi mortis genere necatur, dum Christum & eius sermones erubescere coram hominibus recusat.

Ioan. 10.

¶ *De D. Thomæ Mori captiuitate, bonorum confiscatione, & ultimo supplicio, propter confessionem ueritatis.*

B iij Thomas

HISTORIA



Thomas Morus non ita pridem re-
 gni Britannici Cancellarius (qui
 hanc ſeuam tempeſtatem uenturam
 tum præſentiens, ne cogeretur in no-
 centibus inferre, quod in ſe ipſo iam perpeſſus
 eſt) officium Cancellariæ, quod proxima poſt
 Regem dignitas eſt, ſponte reſignauit. Cumq[ue]
 ſecundis Regis nuptiis ex ſolo Dei timore con-
 tradiceret, bonis ſuis omnibus priuatus, & per-
 petuo carceri addiſtus eſt. Anno autem Domi-
 ni M. D. XXXV. Calendis Iulijs, ex arce
 Londonienſi, educiſtus ac Magiſtratui & iudicijs
 buſ à Rege ordinatis præſentatus fuit. Ibat re-
 us baculo innixus, tam longam uiam, corpore
 graui Inſirmitate in carcere debilitato, nihil ta-
 men perturbationis uultu præ ſe ferens. Pri-
 mum recitati ſunt articuli criminum, quæ illi ob-
 ſciebantur. Mox Cancellarius, qui Moro ſuc-
 ceſſit, ac Dux Nortfordi, hunc in modum re-
 um allocuti ſunt. Vides More te quidem ex hac
 parte in Regiam maiestatem grauiter deliquiſ-
 ſe, nihilominus tantum de ipſius clementia & be-
 nignitate confiſimus, ſi pœnitere uolueris, tu-
 amque hanc temerariam opinionem, cui perti-
 naciffime adhæſiſti, in melius commutare, te
 delicti

MARTYRVM ANGLIÆ. IIII

delicti remissionē facile consecuturum. Quibus Morus, Magnifici uiri, uobis (inquit) gratiam habeo, de uestra erga me beneuolentia. Verum illud solum Deum optimum maximum oro, ut ipsius ope adiutus, in hac mea recta opinione usque ad mortem perseverare ualeam. Quantum autem ad accusationes, quibus oneror, attinet, uereor ne uel ingenium, uel memoria, uel uerba ad explicationem sufficiant, cum non solum impedit articulorum prolixitas & magnitudo, uerum etiam diuturna in carcere detentio, necnon ægritudo debilitasque corporis, qua nunc sum affectus. Tum iussu Magistratus allata est sella, qua cum resedisset, hunc in modum sermonem prosecutus est.

Quantum ad priorem partem accusationis pertinet, quæ habet. Me, quo magis animi mei contra Regem maleuolentiam ostenderem, in contentione de secundo eius matrimonio, perpetuo obstetisse serenissimæ eius Maiestati, nihil aliud habeo respondere, nisi quod iam antea dixi, id urgente conscientia me fecisse. Non enim uolebam nec debebam Principem meum celare ueritatem. Quod nisi fecissem, præsertim in re tanti momenti,

B iij unde

HISTORIA

undependebat & Principis honor & regni tranquillitas, tum uere fuissem quod nunc obijcitur, maleuolus, perfidus & proditor. Ob hoc delictum (si modo delictum dici debet) grauissimas dedi poenas, exutus omnibus facultatibus meis, illisque fisco addictis, ac perpetuo carceri adiudicatus, in quo iam menses quindecim totos fui detentus. Sed his omiſſis, tantum ad ea respondebo, quæ sunt huius negocij præcipua. Dicitis me poenam commeruisse, quam infligit constitutio seu statutum, in proximo Procerum conuentu, me in carcere agente, factum, quasi malitioso ac perfido animo, proditoriè detraxerim Regiæ maiestati, famam, honorem, ac dignitatem, quæ illi per dictam constitutionem consensu omnium erant tributa, uidelicet quod ibi Rex declaratur sub Iesu Christo supremum caput Ecclesiæ Anglicanæ. Atque ante omnia quod mihi obijcitis, me nihil uoluissè respondere Secretario Regis ac uenerabili maiestatis illius Concilio, quando me interrogabat, quæ nam esset mea de illo decreto sententia. Respondi me iam mundo mortuum esse, nec istiusmodi negocijs amplius sollicitari, sed tantum meditari in passione Domini nostri Iesu Christi. Ad quod iam
clare

MARTYRVM ANGLIÆ. V

clare respondeo, uobis ob huiusmodi meum silentium me morti adiudicare non licere. Quoniam neque uestrum decretum, neque ullæ leges mundi possunt quenquam ob silentium addicere morti, sed tantum ob dictum uel perpetratum facinus. De occultis enim solus iudicat Deus. Tum regius Procurator suscipiens sermonem, Huiusmodi (inquit) silentium certum aliquod indicium erat & obscura significatio, malignæ alicuius cogitationis contra ipsum decretum, propterea, q̃ omnis subditus syncerus & fidelis Regi, si de dicto decreto interrogetur, tenetur citra omnem dissimulationem respondere, Regium edictum esse bonum, iustum ac sanctum. Tum Morus. At si (inquit) uerum est, quod ius commune habet: Qui tacet consentire uidetur, meum istud silentium plus approbauit uestrum decretum q̃ infirmavit. Iam quod dicis omnem fidelem subditum obligari, ut respondeat Regium edictum esse bonum, si interrogetur. Respondeo bonæ fidei subditum magis obligatum esse Deo, conscientiæ & animæ suæ, quam ulli alij rei in hoc mundo, maxime si talis conscientia, qualis est mea, nihil offendiuli, nihil seditionis pariat domino suo. Nam illud

C pro

HISTORIA

pro certo uobis affirmo, quòd nulli mortalium
hac in re detexerim conscientiam meam.

Venio nunc ad secundum accusationis ca-
put, quo arguor contra dictam constitutionem
seu decretum uestrum machinatus fuisse, eo quòd
ad Rossensem scripserim octo paria epistolarum,
quibus illum animarim aduersus istud edictum.
Equidem uehementer optarim eas epistolas hic
proferri. Sed quoniam sicut uos dicitis, per
Episcopum exustae sunt, ipse uobis ultro illarum
argumenta commemorabo. In quibusdam tra-
ciabantur res familiares, sicut nostra uetus con-
suetudo & amicitia postulabat. Vna ex illis res-
ponsum ad ipsius epistolam habebat, qua scire
desiderabat, quo nam modo respondissem in
carcere, cum prior examinerer super dicto de-
creto. Cui respondi meam conscientiam ex-
onerasse, & rationem esse secutum idque ut ipse
similiter ageret, admonebam. Haec fuit, ita sit
mihi Deus propitius, mearum literarum sen-
tentia. Harum igitur causa non possum per
uestrum decretum siue edictum addici mor-
ti.

Quod uero ad tertium articulum attinet, qui
continet me cum à Senatu examinerer, respon-
disse

MARTYRVM ANGLIÆ. VI

disse, uestrum decretum simile esse gladio ancipi, ut qui obtemperaret, periclitaretur de salute animæ, qui auersaretur, amitteret vitam, ac eadem respondisse Episcopum Roffensem, sicut dicitis: Ex quo appareat hæc inter nos de composito agi, utroque eodem modo respondente. Ad hæc respondeo, me non simpliciter, sed sub conditione esse locutum, Videlicet si esset aliquod statutum simile gladio ancipiti, quo nam modo quisquam hominum sibi posset cauere, ne alterutram aciem incurrat? Porro quid responderit Episcopus Roffensis, ignoro, & fieri potest, ut eodem modo responderit. Si illius oratio cum mea congruebat, id nequaquam accidit ex conspiratione, sed potius ex ingeniorum ac doctrinæ similitudine. Breuiter illud pro certo habetote, me nunquam malitiose quicquam locutum contra uestrum decretum. Interim tamen fieri potuit, ut multa ad concitandum mihi odium apud Regiam Maiestatem deprauate sint perlata.

Post hæc uocati sunt per ministrum publicum duodecim uiri, iuxta gentis illius consuetudinem, quibus traditi sunt articuli, ut super illis

C ñ consul.

HISTORIA

consultarent ac iudicarent, an Morus malitiose contra decretum peccauisset. Qui cum per horæ quartam partem secessissent, reuersi sunt ad Principes & Iudices delegatos, ac pronunciarunt Gylthi, hoc est, condemnandus aut dignus est morte. Mox Cancellarius pronunciauit sententiam iuxta formulam memorati decreti.

His ita peractis, Thomas Morus sic orsus est loqui. Quando (inquit) morti sum adiudicatus (recte ne an secus, nouit Deus) ad exonerandam meam conscientiam, libere uobis de uestro decreto dicam quod sentio. Primum illud dico, me septem annis intendisse animum studiumque meum in istam causam. Verum hactenus in nullo doctorum ab Ecclesia probatorum referi scriptum, quod Laicus, aut ut uocant secularis, possit esse caput status spiritualis aut Ecclesiastici. Hic Cancellarius interrumpens Mori sermonem, Domine More (inquit) ita ne tu uis haberi sapientior meliorisque conscientie omnibus Episcopis, tota nobilitate, toto denique regno? Ad quæ Morus, Domine (inquit) Cancellarie, pro uno Episcopo, quem habes tuæ opinionis, mihi sunt facile centum, idque ex illorum numero, qui inter diuos relati sunt: & pro unico uestro Concilio

MARTYRVM ANGLIÆ. VII

cilio (quod quale sit, Deus nouit) pro me habeo omnia Concilia generalia, annis ab hinc mille celebrata: et pro uno regno, habeo Franciam, cetera quoque Christiani orbis regna omnia. Hic dux Northfordij interpellans, Nunc (inquit) More perspicue liquet tua maleuolentia. Ad quæ Morus. Vt hæc loquar (inquit) non incitat maleuolentia, sed cogit necessitas, ad exonerandam conscientiam meam, teste Deo, qui solus scrutatur cor Rom. 8 da hominū. Præterea hoc quoque addo, uestrum decretum perperam esse factum, quoniam ex professo iurastis, nihil unquam facere contra Ecclesiam, quæ per uniuersam ditionem Christianam unica est, integra & indiuidua. Neque uos soli ullam habetis auctoritatem, citra aliorum Christianorum consensum, condendi legem, aut instituendi Concilium aduersus unionem & concordiam Christianitatis. Sed non ignoro, cur me morti adiudicaueritis, uidelicet ob id, quod nunquam uoluerim assentire in negotio noui matrimonij Regis. Sed tamen mihi magna spes est in bonitate diuina, quod quemadmodum sanctus Paulus legitur persecutus fuisse diuum Stephanum, qui tamen iuncti unanimes agunt in coelo, sic nos qui discordes sumus in hoc mundo, in fu-

C iij turo

HISTORIA


turo sæculo pariter sumus concordēs, & perfectā charitate unanimes. Hac spe fretus, precor Deum, ut uos seruet unā cum Rege, eique dare dignetur bonos consultores.

Cum uero iam peractō iudicio, Morus in carcerem reduceretur, priusquam ad turrim esset peruentum, una filiarum, eius nomine Margareta, per mediam satellitum turbam ruens, flagrans immodico desiderio patris, nulla habitatione sui, nec loci publici, nec circumstantium, uix tandem ad patrem perrupit, ibique collum eius amplexa, miserando fletu suum extremum dolorem est testata. Cumque illum aliquandiu arctissime constringeret, dolore uiam omnem uocis præcludente, pater permisso satellitum, eam hoc modo consolatus est. Margareta esto animo forti, nec te excrucies amplius. Ita uisum est Deo. Iam pridem nosse secreta cordis mei. Inde patre decem aut duodecim passibus abducto, rursus accurrit ad amplexum patris. Ibi Morus nullis emissis lacrymis, nulla uultus perturbatione, hoc tantum dixit. Vale, & Deum pro salute animæ meæ deprecare. Hic apud se quisque reputet, quā

MARTYRVM ANGLIÆ. VIII
quàm ualido pietatis mucrone transfixum sit
cor Mori.

Inde septimo die Iulij, fuit capite truncatus,
in magno campo, qui est ante Regiam: Ac
pauca priusquam obtruncaretur, loquebatur.
Tantummodo rogans circumstantem multitu-
dinem, ut pro eo orarent in hac uita. Ipse uicis-
sim in alia uita intercederet pro illis. Præterea
illos ardentissime hortabatur, ut Deum pro
Rege suo deprecarentur, quatenus illi dare ue-
lit rectum consilium & mentem bonam. Palam
protestans se mori eius fidelem ministrum, in
primis tamen Dei omnipotentis.

¶ *De D. Reginaldi Theologi Martyrio, respon-
sis, & sententia mortis propter fidem Ecclesiæ.*



Nno M. D. XXXV. die quinta
decima mensis Aprilis, in aula ma-
iori de Vuestmunster, Principes &
domini Angliæ, cæteriꝑz Iudices
congregati, statuerunt quorundam religioso-
rum & sæcularium audire responsionem, qui
nonnulla contra Regiam maiestatem dixisse,
scripsisseꝑz accusati, eorundem haberent redde-

re

HISTORIA

rerationem. Itaque inter hos primo Doctor
 quidam Theologi, uir angelico uultu omnibus
 graciosus, & spiritu Dei plenus, ex Abbatia di-
 cta Syon, Londonij ordinis S. Brigittæ, in-
 terrogatus est per D. Cancellarium in hac for-
 ma. Cur soli (inquit) uos præsumptuosi uultis
 persistere in opinione uestra, quæ sententiæ da-
 tæ per Parlamentum, hoc est, per tam grandes
 dominos & Episcopos, omnesque ferè uniuersi
 regni procures, contraria est? Ad quod idem
 Doctor respondit. Deceueram quidem imita-
 turus Dominum nostrum Iesum Christum,
 dum in iudicio coram Herode statueretur, nihil
 respondere: Verum quoniam me urgetis ad fi-
 nem, quo tam meæ quàm hic astantium conscien-
 tijs satisfaciam, dico quod nostra opinio, si de
 testimonijs uerorumquè suffragijs agi posset, in-
 structior copijs esset, atque testimonijs multo co-
 piosior, quàm uestra. Siquidem pro quibus-
 dam, quos tu ex unius regni Parlamento addu-
 cis, totum ego habeo mecum orbem Christiano-
 rum, exceptis adhuc his, qui sunt de hoc re-
 gno, non dicam omnes de regno, quoniam mi-
 nor pars pro uobis est. Et dato, quod maior
 pars regni insectaretur opinionem meam, tam-
 men

MARTYRVM ANGLIÆ. IX

men id non fieret ex sententia, sed per externam duntaxat simulationem: idque metu amittendarum dignitatum ac honorum, aut spe fauoris regij sibi conciliandi. Super quo articulo, quanto-
tius illi mandatum est per Secretarium regis, sub pœna incurrendi rigorem legis, quatenus manifestaret, quinam illi essent, de quibus loqueretur. Ad quod respondit omnes esse bonos huius regni. Et continuans suum primum propositum dixit. Quantum ad testimonia spectat defunctorum Patrum, ego pro mea parte habeo Concilia generalia, omnes pastores & doctores Ecclesiæ, qui fuerunt à mille quingentis annis, singulariter uero sanctos, Hieronymū, Ambrosium, Augustinum, Gregorium. Et certus sum, quod postquam serenissima maiestas huius rei cognouerit ueritatem, erit supra modum offensa quibusdam Episcopis, qui hoc illi consilium dederunt. Post hæc mandabatur ei, ne ultra loqueretur, sed solum responderet ad hoc, quod causam grauare uidebatur, qua uidelicet ratione ipse per grandem malitiam, contra authoritatem Regis intra regnum multis dissuadere non ueretur, ne opinioni Regiæ maiestatis & Parlamenti consentirent. Tum ille, Ego (inquit) uo-
D bis


HISTORIA

bis respondeo primum, Si starem in iudicio co-
 ram Deo, manifestum fieret, nunquam me con-
 tra Regem, nec contra quamcunque aliam perso-
 nam, per malitiam declarasse meam opinionem
 homini cuiuscunque uiuenti, sed quibus resistere nō
 potui, ad exonerandum meam propriam con-
 scientiam, id commisi in confessione. Verum
 est, me uehementer fuisse contristatum, post-
 quam serenissimam Maiestatem in tanto depre-
 henderam errore, sed nunquam inde locutus
 sum aliter quā dixi. Et si tunc non declarassem
 meam sententiam, ego iam declararem: quon-
 iam in hac parte obligatus sum Deo, & conscien-
 tiæ meæ, & in talibus iure non possum offende-
 re Principem meum, nec quemuis alium. Hinc
 illico imposuit ei fuit silentium. Verum ille,
 Postquam non uultis (inquit) quod amplius lo-
 quar, secundum legem uestram me iudicate. In-
 de cum audisset à duodecim uiris ad hoc delectis,
 se condemnari reum mortis, dixit cum magna
 constantia, Hoc est iudicium mundi. Deinde
 supplicauit iudicibus, ut darent sibi spatium duo-
 rum aut trium dierum uitæ, ad præparandum
 conscientiam suam, qua mori posset, quomodo
 religiosum & bonum decet Christianū. Cui re-
 sponsum

MARTYRVM ANGLIÆ. X

sponsum est, in sola bonitate consistere Regis, si uelit illi hoc præstare, & id amplius in Iudicium non esse potestate. Ad quod ille, Credo (inquit) uidere bona Domini in terra uiuentium.

¶ *De crudeli mactatione diuersorum, pro ueritatis testimonio.*



Prior Londoniensis Carthusiæ accessit Eleemosynarium Regis & doctorem Latmet, & alium quendam Doctorem, dicens pro releuatione consuetudinis suæ uelle dicere tria. Primum, uiso quod Dominus noster Iesus Christus dedit suis Vicarijs spirituales potestates per sua uerba Euangelica: Et tibi dabo clauis regni cœlorum, & nullus unquam doctorum hæc uerba alteri dicta esse asseuerauit, præterquam sancto Petro soli, quæ quidem potestas inde ad alios deriuat Apostolos, et consequenter ad Papam & Episcopos. Quo ergo modo possent illa uerba intelligi de Rege homine Laico et seculari, quod ipse sit supremum caput, & primas Ecclesiæ Anglicanæ? Secretarius autem Regis audens uerba hæc, dixit. Tu ergo uis fac te Regem presbyterum, mandans ne amplius loquerentur. Postea per duodecim uiros pronunciata est

D ij Sententia

HISTORIA

sententia mortis, & executioni mandata, quarta die Maij anno xxxv. in hunc modum. Primum quatuor religiosi, quorum unus erat Doctor predictus, & unus solus presbyter secularis (quoniam alter iunior accepit gratiam) tracti sunt ex magna turri Londoniensi, per ciuitatem usque ad locum iustitiæ, distantem à ciuitate per unum miliare francicum, ubique sine aliqua reuerentia ordinis, aut habitus sacerdotalis uel religionis, sine degradatione, & in proprijs uestimentis appensi sunt patibulo, per grossam quandam chordam, ne strangularentur. Indeque statim depositi sunt adhuc uiui. Deinde abscissis primum uerendis, & in ignem coniectis, extraxit eis spiculator corda eorum, quæ transfixit, & igne quoque cremauit. Inde abscissis capitibus, corpora sunt quadripartita, quæ postea posita sunt super portas & loca publica dictæ ciuitatis. Et licet ad terrorem sequentium, posterior semper uiderit trucidationem præcedentium, priusquam mortem ipse exciperet, testor tamen multo tempore non uisos, qui tanta ut hi constantia, perseverantes usque in finem, mortem excepissent. Nam quomodo in animo non sunt à uia ueritatis mutati, ita nec in uultu pallor, nec in uerbis trepidatio

MARTYRVM ANGLIÆ. XI

tio, nec in aliquo gestu corporis timor apparuit mortis. Spiritu nanque ueritatis roborati, pro qua ad mortis ibant agonem, alacres perinde ac olim tuti & sani fuerant, remanserunt. Rogabant autē Principes & astantes omnes perseveranter bene uiuere, Regi fideliter seruire, eidem in omnibus, præter ea quæ contra uoluntatem Dei & Ecclesiæ sunt, obedire.

Protestabantur quoque nunquam se fuisse Regi inobedientes, nisi in rebus quæ repugnabant sancto Euangelio & Ecclesiæ Catholice, atque ideo recipere se mortem non solum patienter, sed & perlibenter. Addebant præterea, agnoscentes magnam à Deo sese assequutos gratiam, quod pro ueritate eis dedisset mori, & pro assertionem huius Euangelicæ & Catholicæ doctrinæ, uidelicet Regem non esse supremum in spiritualibus primatem caputq; Ecclesiæ Anglicanæ.

Cæterum, qui hæc uidimus, aut legimus siue audimus, gratias agamus Deo, qui spiritu induit fortitudinis atque zelo charitatis multos sibi amicos, qui in Anglia pro ueritatis testimonio sanguinem suum fuderunt. Cuiusmodi sunt Episcopus Roffensis, Thomas Morus, Carthu-

D iij sienses

HISTORIA

hientes multi, aliorumque ordinum constantes omnes, quorum capita membræ post mortem stipitibus affixa, prædicant nobis, quam fidem quàmque charitatē ad Christum & Ecclesiam, debeat habere usque in mortem, hocque à se factum suo nobis exemplo commonstrant. Cecidit enim illis in gloriā multo maiorem sic patibulis & stipitibus esse affixos, quàm cum auro gemisque sepultos. Ab omnibus enim transeuntibus eorum constantia discitur, prædicatur, atque in mundum traducitur: quo ceteri quoque discant, homines adhuc in mundo superesse, qui non timent eos, qui corpus possunt occidere, sed eum potius, qui potestatem habet & corpus & animam mittere in gehennam.

Passio XVIII. Carthusianorum in regno Angliæ: Qui pro eo quòd schismati adherere, & ab unitate Ecclesiæ Catholicæ segregare volebant semecipsos, crudeliter martyrizati sunt. Præfatio.



Reuerendo Patri D. Ioanni Priori maioris Carthusiæ, totius ordinis nostri Primati dignissimo, Frater Mauritius Channey Anglus, monachali

MARTYRVM ANGLIÆ. XII

thali nomine indignus, reuerentiam & obedi-
tiam offert promptissimā. Postquam omni-
potenti Deo placuit, somnum dare dilectis pa-
tribus & professis domus olim dedicata in ho-
norem Annunciationis beatissimæ matris Dei,
dulcissimæ uirginis Mariæ, ordinis nostri Car-
thusiensis, iuxta ciuitatem Londoniarū, in Pro-
uincia Angliæ, ut requiescant à laboribus suis,
Reuerende Pater, de eorum uigilia & somno
paternitatem uestram certiore reddere opere
precium existimaui. Nam ex quo altare illud sa-
cilegum erectum est in Bethel, ut ultra non as-
cenderemus Hierusalem, ne conuerteremur
ad Dominum, nullus ex cognatione nostra
de eorum obitu uobis quicquam significauit:
Quippe qui nec ausi fuimus, & nobis insidiato-
res undique, ne quid tale faceremus, erant positi.
Nunc uero, quoniam eripuit me Deus de laqueo
uenantium, & constituit super excelsam terram,
semotum à timore nocturno, necessarium duxi,
de his omnibus quæ acciderunt nobis, non nihil
R. P. V. significare. Verum prius imitator fa-
ctus filiorum Israël, quibus Iordanem ingressis,
in terram promissionis perrecturis uisum fuit,
ut durissimos lapides de medio Iordanis alueo
tollerent,

HISTORIA

tollerent, & illos in loco castrorum ponerent, ut essent in monumentum filiorum Israël in æternum, per quale iter eduxerit eos Dominus, archa interim testamenti persistente in medio fluminis, donec omnia complerentur, quæ præcepit Dominus Iosue fieri: Ita & ego, ut plenius innotescat, quales fuerunt quos elegit Dominus in hæreditatem sibi, per sequelam agni benedicti, quocunque ierit, siue in uitam, siue in mortem, antequam Iordanem nostrum transiero, unde educturus cophinum meum plenum morticinis seruorum Dei, non inconuenientia interferam, sed durissimos lapides torrentis nostri tollens, non docendi animo, sed potius refocillandi spiritum gratia, ponendo siue erigendo sedem sanctæ passionis lassis & attædiatis, ex longitudine itineris per hunc terribilem montem, locum horroris & vastæ solitudinis, ne etiam penitus inchoare uiderer narrationem, ubi illi suum foelicem consummauerunt cursum, & præsertim ex eo, quod sacra scriptura, eruditum filium doceat, gloriam esse patris, præsertim si filius nihil faciat, nisi quod uiderit patrem prius facientem, quæque ipse ab eo omnia didicerit. Pater enim notam faciet filijs uirtutem & ueritatem suam.

MARTYRVM ANGLIÆ. XIII

am. Idcirco tum de patre, tum de filijs, & modo uiuendi in illo conuentu luculentius aliquid recensabo, ut in patre simul & filijs, laudetur & glorificetur Deus.

Et non existimet aliquis, ut laus aut fauor humanus ex affectu cordis mei, in caput meum redundaret, quia professus extabam in illo conuentu, aut ut uideantur ab hominibus opera bona inibi gesta, me ista relaturum. Ego enim nullatenus sum ulla laude aut gloria, quin potius omni uituperio ac ignominia dignus. Iudas traditor annumeratus erat inter duodecim Apostolos, audiebat, uidebat ac faciebat quæ & cæteri, uerum reprobatus fuit. Non est estimanda inchoatio boni, sed perficere bonum honorificum est, ut cum consummauerit homo, tunc incipiat accipere coronam salutiferæ uitæ, quam repromisit Deus perseuerantibus in bono usq; in finem. Sathan inter filios Dei affuit, neutiquam laudandus: Ego uero prodij ex istis, res in aperto est, sed non eram ex illis. Nam si fuisset ex illis, permansissem utiq; cum illis bibiturus calicē, quem & illi biberunt. Ego Saul inter Prophetas, ego filius Effrem, intendens & mittens arcum conuersus in die belli, abij retrorsum in non custodiendo

E diendo


HISTORIA

diendo quæ apud me reposita erant. Tanta sanctitas uigebat inter eos, quæ ego non sum dignus uocari aut haberi, & multo minus laudari, quasi unus ex illis. Si mihi è cõsortio sanctõrum eiectõ, noua aliqua de eisdem filiis quidẽ hominum iam referenti, prouenire deberet laus, multo præclarior illi Cherub tam pulchre condito, propter pollutionem suæ sanctificationis in multitudine iniquitatum suarum eiectõ de medio lapidum ignitorum, mira tamen postea de ipso filio Dei enarranti, quando dixit Domino Iesũ: Scimus quis sis, Tu es Filius Dei: laus tribuenda foret. Quod nepharium est opinari, inanis ac friuola est exultatio (si fidem adhibeã Diuo Chrysostomo, uel tantillæ experientiæ meæ) cui res murmurat testimonium conscientie. Absit ergo, ut uocet me quis Noëmi, sed potius amarum, quia affixit et amaritudinẽ repleuit me omnipotens. Egressus sum plenus, & uacuum reduxit me Dominus. Sufficiet mihi modo, si ex hoc quod ægero, gloria in excelsis ab angelis altissimo resonet, & in terra istis sanctis ueneratio ab hominibus bonæ uoluntatis impendatur, ac per misericordiam Dei reexurgat demolita uinea nostræ sanctæ religionis, & expandat palmites suos à mari

MARTYRVM ANGLIÆ. XIII

mari usq; ad mare, & à flumine usq; ad terminos orbis terrarum, & ut hæc fiant forsan depono. Illa tamen non dico, quasi hanc inanis gloriæ mortificationem accepissem, & iam perfectius essem, sed ut linguis alienæ laudis subtractis, ab igne malæ concupiscentiæ, qui clausus est in ossibus meis, facilius expediar, si quo modo prouocem carnem meam ad consulandum uirtutes illorum, de quibus loqui præsumo, ac tandem per gratiam Dei eorumq; merita, meæ oliuæ reinfuserar. Quod mihi largiri digneris & cito perficias, Iesu dulcissime te deprecor, Amen.

C De uita sancta Prioris Londoniensis
in conuersatione sua priuata,
Caput primum.



T autem in hac enarratione conuenientius progredi ualeam, ab ipso uenerabili patre præfatæ domus nostræ Priore, descriptionis exordium sumam. Iste reuerendus Pater, nomine Ioannes Houhton, de quo primo nobis sermo, ab honestis parentibus in comitatu Essexie,

E n

HISTORIA

in prædicta Angliæ patria ortus erat. Qui à parentibus literarū studio traditus, in eisdem adeo profecit, ut gradum Baccalaureatus in utroque iure digne adeptus sit in Academia Cantabrigiensi, quo adepto, eum parentes iam pubertatis annos ingressum, connubio iungere disposuerunt: Quod perspicuens latenter parentes declinavit, quia dispositus ab eis status cōiugalis minus sibi placuit. Diuinis enim sese dedere statuerat obsequijs. Clam igitur fugiens, latitabat cum quodam deuoto Presbytero, quoadusq; sacros ordines gradus sacerdotalis ascendere potuisset, quibus assumptis, ad parentes redijt, & tandem de omnibus quæ egerat uel inuite pacatos reddidit. Sicq; in hoc statu sacerdotali per quatuor annos laudabiliter degens, postea ad superiora uolare aspirabat, quasi ceruus matutinus.

Et anno ætatis suæ uicesimo octauo, aridum hunc mundum floridus iuuenis calcare cœpit: Quod ut citius cum maxima securitate, & accumulatissima utilitate perficere posset, quadam sancta auiditate inflammatus, religiosissimum & suauissimū iugum, ac lenissimæ sarcinæ Carthusianæ obseruantiam, toto cordis affectu humeris suis mansuctis subire satagebat, flagitans
in

MARTYRVM ANGLIÆ. XV

in dicta domo salutationis beatissimæ Mariæ, per humiles instantesq; preces, hoc sancto habitu nostri ordinis se indui. Quo cum post diutius nam dilationem indutus fuisset, ueterem hominem totaliter exuens, uere induit nouum hominem, qui secundum Deum creatus est, etiam Dominum Iesum Christum. Degebat enim uitam ibi per uiginti annos propense eminentem, in multa austeritate, humilitate & patientia, ac perfecta sui ipsius mortificatione, cellæ & silentij diligentissimus obseruator, semper occultans, & quasi in arctura stringens gratiam sibi concessam, ne notaretur, cupiens semper nesciri, & nulla æstimatione dignus haberi.

¶ *Vt in Sacristarium domus Londoniensis fuerit electus,*
Cap. II.



Erunt non potest fieri, ut ciuitas in monte posita abscondatur, uel alicuius domus fenestræ adeo stricte claudantur, quin lux inclusa prospicientibus alicubi pateat. Iuxta uers.

Quodq; magis tegitur, tectus magis æstuat ignis.

E iij Sicut

HISTORIA

Sicut & catinus iniectis exilit aquis, & flamma in sublime extollit comas. Quibus omnibus haud impar est innata proprietas & cōditio gratiæ & uirtutis. Quanto enim magis celatur et deprimitur ne propaleatur, tanto magis ac citius euolat, ebullit ac crescit: quantoque libentius dilataatur & expanditur, ut uideatur, tanto celerius obcintratur, euanescit ac deficit: Gloria sequitur fugientē se. Quod quidē permaxime uerificat in hoc sancto patre. Elegit esse abiectus in domo gloriosæ uirginis Matris Dei, & ab hominibus uirtuosus ac sanctus habebatur: appetebat sperni, & honor eum persequabatur & apprehendit, si honor dici posset. Sed huic, quemadmodum & omnibus sanctis, talia secū plus ferunt oneris quā honoris, quamuis pullus indomabilis, a finalis sensualitatis, in huiusmodi letetur ac hilarescat, quasi in honoribus ueris: Verū iste deuotus pater in abdita sanctitate diu se gerēs, primo Sacristarij domus per obedientiā assumpsit officiū. Quod omnium onere siue obedientiæ sibi quā maxime placuit, quia deliciæ eius in Ecclesia semper esse, & circa Ecclesiastica ministeria die noctuque uersari, ac feruū fratrum suorum fieri. Quæ omnia cum ingenti alacritate, industria & reuerentia perficiebat,

MARTYRVM ANGLIÆ. XVI.

bat, in omnibus occasiones proficiendi ac merendi per suam humiliationē, deiectionē & laborem captans. Sub cuius tempore in hoc officio istud omni memoria dignū cōtigit. Quidam deuotus frater pestilentiali morbo affectus, ad extrema deductus est: qui cum corpus Dominicū sumpsisset, prę nimia ualetudine illud retinere nequiuit, sed mox euomuit. Quod pater Vicarius (eo qđ pater Prior aberat) simul cum omni eiecta immundicia collegit & assumpsit, atq; ad cellam huius sancti Patris Ioannis Houhton, tunc Sacristę, detulit comburendum. Accensa igitur pyra cōtendebant hī duo patres, quis cor illud in ignem mittere deberet. Neutro hoc aut facere pręsumēte, reseruatū est per duos dies. Die uero tertia deuotus Sacrista illud reuerendissimum corporis Christi Sacramentū ab immundicia, cui cōmixtū erat (ut quiuit) reuerenter recollegit, ac in calice reposuit, intendens in proxima celebratione sua illud sumere. Sed prius accersito quodam deuoto fratre conuerso, cui Deus crebro multa certitudinaliter reuelauerat (Quęcunque enim poposcerat à Deo, statim dedit illi benignissimus Deus responsum, adeo Deo familiaris, gratus & charus erat. Notum hoc erat

HISTORIA

erat in multis argumentis per totam domum) Huic igitur intimauit pater Sacrista, propositum suum petens ab eo, ut in tam ardua re exoraret Deum, pro agnitione sui beneplaciti, formidabat enim comburere illud, & sumere quodammodo abhorrebat. Iussa completurus ille frater conuersus, diuinam enixius deprecatus est clementiam, quatenus eidem super hac re aliquod indicium demonstrare dignaretur. Et ecce tempore matutinarum in spiritu positus uidit turbam magnam, quam dinumerare nemo poterat, in albis uestitam, quorum singuli ceruum ardentem manu gestabant, composito gradu sacrarium introire, & ad illum locum, ubi repositum fuerat corpus Iesu, procedere, ibique summa cum reuerentia adorantes cistam, qua reclusum erat, aperire, factaque ibidem aliquantula mora disparuerunt. Sed quid interim ibidem ægerint, ipsi fratri, qui hæc uidit, mansit incognitum. Ad se autem reuersus frater, in aurora requisit Sacristam, an ne in tali loco prædictas sacratissimi corporis Christi reposuisset reliquias. Illo ita respondente, mox uisum eidem aperuit. Quo audito, deuotissimus pater Sacrista, postposito timore & mortis & nausæ, mox se cum omni alacritate

MARTYRVM ANGLIÆ. XVII

alacritate ad celebrandam Missam præparauit. Sub qua & illud repositum reuerenter & affectuose recepit. Sed quàm præclarus iste sibi calix esset, nemo scit, nisi qui accepit. Vere inebrians erat, in tantum, ut astantes hoc euidenter percipere potuerunt. Ille non timuit mortem, quia authorem uitæ susciperet; nec infirmitatem, quia sanantem omnes languores deglutiret; nec nauseam habuit ex uomitu, quia gustauit quàm suavis est Dominus in spiritu.

¶ Ut idem in Procuratorem & postmodum in Priorem & Visitatorem electus fuerit, Cap. III.

EXpleto igitur laudabiliter cum omnium fratrum gratia, in hoc officio Sacristarij quinquennio, idem ipse uenerabilis pater Sacrista, ad officium Procuratoris assumitur. O quantus eum tunc mœror inuasit! Quantæ lachrymæ profusæ, quot gemitus pectoris emisit, qualesque corporis defectus eum prostrauerunt, qui sic omnino inuitus, gratissimæ atque sibi dilectissimæ solitudinis desideratissimiq; silentij dulcedinem deferere cogebatur! **L**ya cum lippis suis oculis, & lurida facie ei non
F placebat.

HISTORIA

placebat. Prætulit amoris subsequentis priorem, quia melius sibi uidebatur tunc, quam nunc. Solitudo arridebat, ubi dulces susurrationses dilecti in occulto trahere & audire poterat, amplexusque Rachelis illi erant concupiti, à quibus per solitudinem circa plurima se auelli trepidabat: Nilominus Deo iuuante dextera illius semper amplexata est eum, ac inter eius brachia mirum in modum uigilanter dormiuit ac quieuit. Quocunque enim se uertebat, ubicunque fuit, in tumultu siue in solitudine, in plateis siue in cella, conuertebat se ad cor, hauriens pacem: pacem, quia in pace sperauit, & ab ea nullis negocijs alienatus, sed totus in Deum intentus siue raptus fuit in omni loco. Certissimum est enim, quod relinquens seipsum propter Deum, centuplum accipiet etiam in præsenii. Itaque se gerens per triennium in hoc officio maturè, strenuè ac pie amabilemque Deo & hominibus, uacante Prioratu domus bellæ uallis, illud onus subire coactus est & portare. Quo eo migrante, & uix per dimidium annum ibi ministrante, ab ea ad ubera matris, quæ eum educauerat, & ad suæ professionis domum reuocatus est. Emigrauerat enim ex hac uita, uenerabilis pater Prior

MARTYR ANGLIÆ. XVIII

or eiusdem domus Londoniarum, nomine Iohannes Barmansonus. Ad cuius supplendas uices, iste Reuerendus pater uno omnium consensu (quod perraro antea ibidem uisum fuerat) assumptus est, ac demum anno secundo Prioratus sui, à Reuerendo patre Carthusiæ electus est & assignatus in principalem prouinciæ Angliæ Visitatorem. Sic qui latere & nesciri cupiebat, per diuinam prouidentiam, ad multorum profectum, notitiam ac lucem est editus. In quarum omnibus oneribus administrationum, ipsius gesta non facili possunt explicari sermone, multo uero difficiliori ea quæ intrinsecus latent, cum nemo sciat quid agatur in homine, nisi spiritus hominis: Inexhaustibilis itaque est hic fons et torrens, inundans gloriæ huius nostri patris. Sed more annorum meorum, qui puer sum ætate, gratia et moribus nesciens loqui, in amœno iam prato constitutus, hinc inde per diuersa discurrens loca, flores pulchriores colligam, ex quibus sertum mihi componam, et utinam ad internum animæ meæ ornatum, per redolentem imitationem sanctorum Patrum meorum id fecerim.

¶ De sancto & discreto regimine Prioris
in officijs & uirtutibus eiusdem,

F ij

Caput

IN HISTORIA

Caput quartum.

Iste uenerabilis pater profundæ fuit
humilitatis (quæ omnis principij de-
bet esse finis) socialem diligens uitam
cum fratribus. Nam in sua prælatione, honores
illi non mutabant mores, quia unus atque idem
semper mansit: Cornua nunquam sibi erexit.
Si quis fortuito dominum eum uocasset, aut ali-
quâ nominis magnificentia ei imposuisset, egre-
tulit, ita, ut id statim reprimeret, dicens. Non licet
pauperi monacho Carthusiano dilatare fimbri-
as, aut uocari ab hominibus Rabbi. Quoties-
cunque autem fratres se eidem inclinabant, in ma-
gnam suipsius hoc accepit humiliationem: attas-
men iubebat eis, ut tales inclinationes nullate-
nus omitterent. Propter uos (inquit) ita fiat. &
filios uestros, ne inculta sit terra nostra: Statuta
nostra ita hortantur, & sacrum eloquium non
solum permittit, uerumetiam fieri iubet. Roga-
bat eos, ut in huiusmodi caremonijs sibi inui-
cem aut alteri exhibitis, non essent ad oculum ser-
uientes, quasi hominibus placentes, sed in sim-
plicitate cordis Deum quærerent, præ oculis De-
um semper habentes, omnia in eius nomine fa-
cien-

MARTYRVM ANGLIÆ. XIX

cientes. Dicebatq; se in quotidianis suis orationibus Deum postulare, quatenus ipsas prerogativas & reuerentias ratione sui officij sibi exhibitas, in laudem & gloriam sui sanctissimi nominis assumere & ascribere dignaretur, suppleretque per exhibitionem aliorum defectum amoris & cultus, quos ipsemet ei debebat. Sicq; semper seruare humilitatem contendebat. Cum solus esset in aliena cella cum aliquo fratrum, non ut Prior, sed ut humilis frater se habebat, dicebatq; se reliquisse Prioratum in cella sua: Cum uero in officij sui cella aut alicubi in conuentu esset, se gerebat ut eius congruebat officio, cum maxima tamen modestia & humilitate. Torus quoque conuentus in tanta reuerentia eum habuit, q; in exhibendo ei honorem aut præminentiam, se non posse excedere putabant.

De patientia eius quid referam? Ipsa uerba iniuriosa, exprobratoria & oblocutoria, quæ pertulit ab Apostatis, sufficerent pro testimonio si recitarentur: Sed transeant, tam patiens fuit, quod uni eorum quodam tempore in eum insurgenti non resisteret, sed prouolutus ad pedes eius, dedit maxillam uerus solitarius percutienti, saturabatur obprobrijs, colaphis & alapis; quo-

F iij ad-

HISTORIA

ad usque alij eruerunt eum de manu tribulantis. Nec,
illo instante, unquam reddidit uerba comminatoria
aut iurgatiua, nec unquam uidit eum homo aliqua
passione iracundie commotum. Et quando fratres
reclusissent in carcere illum, qui talia patri suo ir-
rogare presumpsit, ipse uerus imitator Iesu Chri-
sti respondit: Parcite queso fratres, parcite: Cur
emulamini pro me? Quid simile unquam fecit mihi?
Quid mali malo fecit? mihi non nocuit, Quare
irascimini? Iste bonus frater non fuit in culpa, sed
inimicus animarum nostrarum, qui pacem nostram
turbare molitur. Et si ego motus fuero, exultabit
ille, qui copulit hunc tribulare me. Verum, non
gaudebit inimicus meus super me: Dimittite er-
go hunc fratrem nostrum. Sed propter exemplum
aliorum, recludatur in cella sua per aliquot di-
es, malens lenitate uincere, quam rigore iustitiae corri-
gere. Causa propria erat, in qua patientiam ser-
uare & exhibere, magnae uirtutis indicium est. Idcir-
co ipse hanc ostendebat: In causa uero Dei & reli-
gionis, si post unam & secundam correptionem delin-
quentes nolissent se emendare, Moysen et Phineas
imitatus, zelo ipse et spiritu Domini Iesu agita-
tus, faciens eis flagellum de funiculis, seuerus erat.
Miro insuper agone luctabatur cum seipso, in
omni-

MARTYRVM ANGLIÆ. XX

omnibus ut seipsum uinceret, abnegaret, et mortificaret, circa quod summū eius studium fuit, siue in claustro, siue extra existeret, et ut alij ad hoc instarent, cōsummata admonitio eius fuit. Quę autē bella et quas molestias ipse in se pertulit, ut ad illud attingeret, Deus scit. Et quāuis cūcta quę circa se gerebant, occultare summopere satagebat, tamē adeo intestina et clandestina nō est talis beligeratio et palęstra, quin et hoībus secum cōmorantibus aliquatenus innotuerit. Quicunq; enī uidissent eū, uere intelligebant magnā internam colluctationem, non solum aduersus carnem & sanguinē, sed et aduersus ipsum principem tenebrarū infernalium se habuisse. In quibus tamen ne nationē filiorum reprobareret in narrando, salutare Dei semper cū silentio pręstolabatur. Nec unq̃ ulli conquerebat de pondere et gestu tentationū, tantūmodo fratri, illam cellā inhabitanti, cuius ipse primo incola fuit, aliquando dicebat, O frater, si talis et talis locus loqui possent, aliqua tibi indicarēt. Quid plura? Ad tantā demum, per cooperantē in se diuinam gratiam, deuenit perfectionē, ut omniū uirtutum apices et ornamenta conquireret, atq; in eo, uelut in lucidissimo speculo et libro scripto intus & foris resplenderent.

Quantum

XX HISTORIA

Quantę fuerit deuotionis, quotidianę eius attestabantur lachrymę. Singularem nanq; gratiā habuit lachrymarum, uix ulla dies præterit, quo maxillę eius lachrymis non essent irrigatę, præcipue sub sacrificio sanctissimę Missę. Quandoq; etiā in refectorio, tanta amoris diuini ac deuotionis inebriabatur dulcissima pinguedine, q̃ ultra se cohibere à fletu non poterat toto corā conuentu, sed erumpentibus lachrymis surrexit à mensa, festinauitque in cellulam suam, suę compunctionis & deuotionis consciam. Et introiens cubiculum ubertim fleuit, eo liberius, quo secretius per totum prandij tempus.

Charitas in eo supereminebat, quo ad Deum & proximum. Si quando aliquod germen amaritudinis in claustro pullulare timuisset, cito euelsere conabatur, antequam nimium inualesceret. Non dicebat, uideant illi, compescant seipsos, sed confestim accedebat ad eos, & causa diligenter requisita suis monitis, modo uino, modo oleo mixtis, fremitum infernalis bestię & insurgentes motus sedabat. Et si quis contra eum concitatus extitisset, ob pacem habendam per humilem suipsius deiectionem, prior ueniam petere non erubuit. Et quolibet ferme men
se

MARTYRVM ANGLIÆ. XXI.

se palam in capitulo prouolutus genibus, stillantibus lachrymis, conuentum rogabat, ut omnes suos defectus, negligentias, mala exempla, & si qua huiusmodi, sibi ignoscerent, accusans quidem seipsum in multis, cum certe ne in uno quidem ullum offendeat: Sed quia iustus in primis accusator est sui, ueratur quoque omnia opera sua, sciens, quod Deus non parceret delinquenti. Multoties etiam dicebat, Sustineatis obsecro pijsimi fratres modicum quid insipientie mee, & supportate me: Confido in Domino, me non facere peccatum, humilians me ipsum, ut uos exaltemini. Insipiens factus sum propter uos, uos me coegistis, ut prudentes uos sitis, ego facio: Capite me, uel ut insipientem accipite me. O summa humilitas & perfecta charitas, nesciens inflari, nec quæ sua sunt quærere, ut alios lucrifaciat. Quid perfectius hac charitate, & quid sublimius hac humiliatione? Vere didicit illud diuinum: Quanto maior es, humilia te in omnibus. Et adimpleuit illud Apostoli: Si quis uideatur inter uos sapiens esse in hoc sæculo, stultus fiat, ut sit sapiens. Quid stultius hominibus, quàm deijci & humiliari? Et quid apud homines sapientius & altius, quàm superbire & eleuari?

Prouer. 19.

Eccle. 3.
1. Cor. 3.

G Sed

HISTORIA

Prove. 16. Sed sapientia huius mundi, stulticia est apud Deū, et quod aliū est hominibus, abominatio est ante Deum. Idcirco in insipientia humiliationis gloriari didicit & iste sanctus pater, factus in omnibus exemplar bonorum operū. Habere & seruare pacē et charitatē in clauastro summe studuit, & quia intellexit, nō ex bono esse austeritatē, noluit cum austeritate imperare suis, & cū potentia, sed in maxima modestia. Cū iuuenibus, sub quatuor aut quinque annorum discursu profectis, agebat ipse quasi alter Ioseph cum fratribus suis, alienū se eis demonstrando, duriusque loquendo & increpando, ne lenitate abutēdo insolescerēt. Nouitiorum quoque instructiores monebat, ut uigilaret ubique, ne nouelle plantationes in iuuentute sua in nimiam audaciā excrescerēt: Multa enim mala experientia docet inde puenisse. Senes uero, ut rigor ille lentesceret, quem dedit, nō natiuitas, sed mala consuetudo, propria uoluntas, & suipsorum immortificatio super delictū uanæ æstimationis ex diuturnitate in religione, enixe, blande & leniter tractabat, ut absque fractione inclinarēt ceruicem suā, & paratos se ad omnia facerēt. Siquādo quiuis fratrum, siue senex, siue iuuenis, aliquid superfluum aut curiosum expostulasset, cum moderamine

MARTYRVM ANGLIÆ. XXII.

deramine & mititate eum frenabat, reuocans ad mentem uocationē suam, dicendo: Si in sæculo esses bone frater, sensualitatis tuæ appetitum in omnibus sequi non deberes, Quanto minus & hic in claustro? Facias tibi aliquam uim aduersus tales suggestiones nociuas, ut cum uolentis regnum cœlorum acquiras. Nulli uero cum animositate aliquid negabat, nec etiam faciliter concedebat eis, quæ requirebant, sed cum tali lenitate spiritus & molli responsione se habebat, ut aliorum duricies emolliretur, & multo hilariiores discederent pro repulsione & abnegatione propriæ uoluntatis, quæ fuissent, si eis petitionē eorum cōcessisset. Spiritus uitæ erat in rotis sermonum eius, si quēlibet fratrem in pronūciatione & prolatione uerborum, secundū modernorum uanam fumositatē et adinuentiōē, curiosum lectorē uel singularem pronunciatorem audisset, serio eum ac derius increpabat, dicens talem curiositatē Carthusianę simplicitati nō cōuenire. Prodit enim ex superbia ut docti uideamur, licet hinc maiorem eruditiōem non acquiramus, nec pietatē. Idcirco simplicitas (inquit) columbina cū charitate sit (quæso te frater) nostra summa sciētia et doctrina, uestigiaque patrū nostrorum in synceritate corā Deo & Christo eius insequamur.

G ij Circa

HISTORIA

Circa diuina officia & seruitia ualde uigilans erat, & ut uniformitas in caeremonijs & omnibus seruaretur, semper monuit, & ut protraherent cantum suum in Ecclesia, fratribus creberrime acclamauit, dicens: Huc uenimus Deo seruire, operi igitur & seruitio eius insistamus. Super muros enim Hierusalem constituti sumus à Deo iudice uiuorum & mortuorum custodes, à laude laudabilis nominis sui tota die & nocte imperpetuum non tacituri: Idem est nobis officium cum sanctis Angelis, qui præueniunt nos, ac omnibus psallentibus coniunguntur, & desistentibus nobis continuant illi laudes suas. Faciamus ergo & nos, cum tales socios habeamus, quantum fragilitas nostra permittit, quod & quantum illi, melius non possemus occupari, quàm cum Deo, nullum exercitium illi gratius, & nobis utilius. Quid agere possumus existentibus nobis in cellis nostris: fortasse omne tempus ab omnibus deuote non expenditur. Quapropter non pigeat nos hic commorari. Si nos, qui uiuimus de patrimonio Christi & eleemosynis, ac ualde stricte pro omnibus orare sumus obligati, festinaremus in Dei seruitio, aut occasiones discedendi ab Ecclesia simularemus, existimantes

MARTYRVM ANGLIÆ. XXIII

stimantes modicum & breue tempus, quo hic
sumus, nimis longum: certe nescio quomodo
excusaremus nos ab iniusta receptione, retentio-
ne, & mala expensione eleemosynarum, benefa-
ctorum & fundatorum nostrorum. Quot uestrum
aggrauat fabulatio cum sæcularibus, aut de uanis
& inutilibus rebus, etiam si totum diem in his
exponderetis? Vel, quamdiu in talibus perseue-
raretis absq; aliquo tædio, lassitudine seu graua-
nime? Num de cibo & potu & somno reticebo?
Quando in his dicetis, sufficit, aut tempus nimis
longum est, festinemus siue perficiamus? Di-
uus Bernhardus omne tempus existimauit per-
ditum, uel saltem nimis longum, quantumcunq;
breue, quo caro sua talibus refocillaretur necessa-
rijs. Alius quoq; spiritu Dei plenus orauit, ut de
necessitatibus & indigentijs istis corporalibus
erueret eum Dominus, ne adeo frequenter im-
pediretur per ea à contemplatione diuina. At
modernis temporibus Iordanis reuersus est re-
trorsum, cum multi religiosi magno afficiantur
tædio, quando circa uana & externa solatia non
uerfantur, & opus Dei non respiciunt, nec opera
manuum eius considerant. Hæc non est mona-
stica uita fratres, nec adminiculum spiritualis

G iij profectus

HISTORIA

profectus & ædificationis, ut adipe & pinguedi-
ne diuina repleatur anima nostra, quinimmo
crassitudinis uentris, quem Deus destruet, &
extremæ desolationis signum est, testante Pro-
pheta, qui dicit: Quoniã non intellexerunt ope-
ra Domini, nec opera manuum eius considerant:
destrues illos, & non ædificabis. Populus enim
qui ignorat Deum, sedit comedere, bibere &
dormire, non sicut populus. Sic & sacerdos, pre-
cipue Carthusianus, cuius est, excellentissimæ &
perfectissimæ uitæ iter aggredi, ne adæquetur ei
in poena, cui assimilatur in culpa. Per hæc &
multa alia similia, incitabat eos prolixè trahere
cantum in Ecclesia. Etiam aliquando tempore diuini
officii, ueniebat à sede sua ad cantores, monens
eos, ut lentius cantarent: Si audisset eos tepida
uel ima uoce psallere, dicebat se timere, ne amor
Dei in cordibus eorum tepesceret: Et sicut tepide
cantarent, ita & tepide Deum diligerent, mox
de ore Dei propter tepiditatem suam) euomen-
di. Rogabatq; eos, ut non distinguerent dies &
tempora, modo basse siue submisse, modo alte
cantando. Sicut (inquit) non est tempus præsi-
nitum à Patre nostro cœlesti, quo ab eius amore
desistamus, quin omni tempore & momento
induiduo,

MARTYRVM ANGLIÆ. XXIIII

individo, ac omnibus uiribus cum amare iubemur: sic non uelimus per nos à laude eius cessare unquam, sed omnis spiritus noster semper laudet Deum: Absistat & uecordia, petamus & emamus à Deo aurum ignitum, ut sicut Angeli in cœlis nunq̃ à laude desistunt, ita nobis nunq̃ tædium subrepat in suo sancto seruitio. Semel etiam ab Ecclesia exiit in confusionē corū (sicut in proximo retulit capitulo) quando audiuit eos ima uoce cantare. Si quando euenisset eos discordare siue errare in cantu, hoc ægre semper tulit. Quodam uero tempore una pars chori errauit in cantu illius uersiculi: *Dextera domini fecit* Psal. 117. *uirtutem.* Vnde in aurora cōuenientibus nobis ad capitulum, dixit. O fratres charissimi, quid fecimus hac nocte: Errauimus in Psalmodia Dei nostri: clamemus culpas nostras, ualde malum est, quod nos, qui officiū Angelorū exequimur, talia errata in conspectu Dei & Angelorū cōmittimus. Illi nunquam errant, & nos per nostras negligētias & incurias errauimus: Quod optime facere debemus, negligenter fecimus. Si serui inutiles sumus, cū omnia fecerimus, quales sumus ex Luca 17. hoc defectu nostro: Non fiat hoc amplius inter nos. Si offerat quis regi terreno claudū, languidum,

HISTORIA

- dum, siue maculosum, nonne respuet? nonne displicebit illi talis oblatio? Reprobatus erat
- Gene. 4. Cayn, non quia non obtulit hostiam Deo, in odorem suauitatis: sed quia obtulit de peioribus. Electus erat aut frater eius, de optimis offerens. Quid diceret carnales domini seruis suis, incaute se habentibus circa ministerium suum? Illi cum maxima diligentia, & peruigili aduertentia omnia fieri circa se uolunt: nos autem negligentes
1. Tim. 6. fuimus in seruitio Dei nostri, regis regum, & domini dominantium. Timeo, quod tales exurgant in iudicio contra nos, & illa eorum exquisita opera nos pro nostris incurijs & negligentijs condemnabunt, astipulante eis illa comminatoria uoce, & terrificata diuina sententia: Maledictus qui facit opus Dei negligenter. Quod auertat a nobis misericors Deus. Et continuo precepit eis sub obedientia, ut quemadmodum semper habuerunt lumen per totum cantum Psalmorum, in omnibus nocturnis & Ferialibus laudibus, ex consuetudine: ita & in Dominicalibus, ac etiam quando aliquid quis solus cantaret, quicquid id esset lumen haberet.
- Hier. 48. Et quia specialis ei cura erat de omnibus, & ratio ab eo exigenda pro singulorum animabus
- (Iustus

MARTYRVM ANGLIÆ. XXV

(Iustus quippe admonendus est, ut in bonitate & iustitia sua permaneat: impius uero, ut a uia sua praua reuertatur, & tepidus adijcere ut resurgat) ideo semel ad minus quolibet mense ipsemet conuentui suo uolebat concionari, tantaq; dulcedine uerbi referti erāt eius sermones, quod ubi erat ignis absconditus, inueniebatur crassa aqua, quæ discurrebat cum impetu per oculos multorum: Qua cum sacrificia eorū essent aspersa, iterum accensus est ignis magnus, maior scilicet deuotio, & nouus feruor. Non frustra loquebatur, nam unusquisq; uires suas applicuit, ad implendum ea, quæ docuit. Ipse quoq; quos feruentiores & uelociores ad currēdam uiam mandatorum cernebat, hos aliquando pro eorū defectibus durius in conuentu palam arguebat, ob humilitatis præseruationem, suam uigilantiorē custodiam, & cautelam, ne talia reiterarent, atq; ut pigro um & infirmorum repelleret tarditatem, incalescente feruore iuuenum, qui ibi scatebat. Circiter enim uiginti erant in illo conuentu, qui annos triginta octo non attigerant, uerum in breui compleuerunt tempora multa. Hos non solum uerbis & exemplis ad prælium mortificationis incitabat, uerum etiam multifariē multisq;

H modis

HISTORIA

modis exercebat ad illud, modo auferendo ab eis quæ maxime diligebant, modo negando eis, quæ affectuosissime petebant, inclinans ex hoc in illud, ut cum hostibus pugnare, & tempestiue abnegare seipsum discerent. Atq; summa cum prudentia uniuscuiusq; complexionem & dispositionem pensabat. Quando uero aliquem taliter probasset, iterum diluculo uisitabat illum, ne nimia absorberetur tristitia, idq; interdum per se ipsum, sed sæpius per alios, ne nimia familiaritas pareret contemptum. Et tunc mittebat eis aliqua xeniola, cōsiderans, quod per talia faciliter dormitionem acciperent iuueniles musitationes, ac etiam ut animaret eos ad proficiendum in cœpto itinere: Illi uero malitia paruuli erant, & cito placebantur, pensantes, quod propter eorum propriam salutē & profectum, omnia fiebant. Non erat ibi murmuratio, nec querimonia, quare hoc aut illud fecerit, aut ita me tractauerit pater Prior, sed seipsis abnegatis, de necessitate faciebant uirtutem, seq; habere causam & occasionem merendi & proficiendi gaudebant, etiam ipsimet rogabant eum aliquando, ut per talium ablationem, siue aliunde, probaret illos.

Præterea, ut uultum sui pecoris agnosceret,
diligenter

MARTYRVM ANGLIÆ. XXVI

diligenter inquirebat à singulis (& hoc creberri-
me) de expensione temperis, quibus scilicet ex-
ercitijs spiritualibus dediti, & quomodo interne
dispositi essent, utrum concupiscerent concupi-
scentias in deserto, an quasi sponsæ anhelarent
ad diuini amoris amplexus, aut tanquam serui
priores annos recogitarent in amaritudine ani-
mæ suæ, & de profectu ipsorū in istis. Si quando
rubigo ascendisset super aurum optimum, & de-
coris color mutatus fuisset, si forte dormissent
inter medios Cleros pennæ columbæ de argen-
tata, & posteriora eius fuissent in pallore auri, si
charitatem primam reliquisset aliquis, per tem-
pus modicum claudebat super se os suum, sciens,
quod propter probationē aliquando paululum
declinaret atq; transiret dilectus, abscondens fa-
ciem suam, ut auidius quæreretur. Sed si tardasset
uenire, & ipse frater malo exemplo, nimia eua-
gatione uel aliqua dissolutione percutere conser-
uos suos cœpisset, per quæ plagam lepræ creuisse
perspicue cerneret, discurrere festinabat: non
dabat somnū oculis suis, nec palpebris suis dor-
mitionem, non desisteat à monitionibus san-
ctis, increpationibus duris, & obsecrationibus
pijs, donec ille frater amicum suum suscitasset, ac

H ñ terum

HISTORIA

iterum super niuem dealbatus fuisset, per discretionem celestis regis, & reintegrasset tabernaculum, quod ceciderat, ac inuenisset locum Deo Iacob. Ipse deuotissimus pater erat quasi flamma urens, aut ferrum candens in Dei amore, & eodem modo uolebat omnes iuxta se positos uehementer esse accensos.

Fuit denique magne prudentiæ, ut eius gesta in domo propria ac etiam in aliarum uisitationibus palam annunciarunt: Tam discretus fuit in uerbis, tamque sanctus in operibus, quod in omni loco acceptus erat, ac si fuisset Angelus Dei, mirarenturque omnes de prudentia & responsis eius. Ipso quoque loquente, omnes ori suo digitum apponebant, ac dicebant: Vere seruus Dei omnipotentis est iste. Inimici quoque nostri sunt iudices. Ipse enim Vicarius regis, quem constituit rex super familiam & totum regnum suum, ut esset secundus à rege, dominus Thomas Cromwel, alter Aman horum omnium malorum signifer, publice in Capitulo nostro multis coram astantibus, post necem ipsius patris nostri, dixit, eum uirum fuisse iustum & sanctum. Si ille reticuisset, lapides clamaissent, ac eius sanctitatem denunciaissent.

Omnibus

MARTYRVM ANGLIÆ. XXVII.

Omnibus pius erat, sibi ipsi uero ualde rigidus & durus. Dies abstinentiarum, antequam assisignatus esset in procuratorem domus, seruauit semper in pane & aqua. Postea uero etiã in ipsis uisitacionum suarum progressionibus, & quocumq; perrexerat, propter quotidianos suos discursus & fatigationes, omnia ieiunia ordinis seruabat, sicut & cæteri conuentus cum uno pisceto contentus. Diebus abstinentiarum communibus, sicuti moris erat illius prouinciæ, & in summis uigilijs: & diebus abstinentiarum, in Quadragesima, cum pane solummodo & potu contentabatur. Cumque aliqui ex fratribus insistèrent, ut sui miseretur per exquisitiore sustentaculi sumptionem, propter frequentes suas infirmitates, ac grauissimos labores & dolores, quos indies sustinuit: dicebat constitutum se esse in loco speculatoris, portentum & spectaculum factum omnibus. Cuius conuersatio si uideretur delicata, siue nimis laxa, pareret alijs scandalum, & audaciam male se habendi.

Postremo tentatis, & his qui in tribulationibus erant, summe consolatorius fuit. In eo enim, quo passus est ipse, & tentatus, poten-

H iij tior

HISTORIA

tior & aptior factus erat, & alios qui tentabantur, consolari. Multas uero & grauissimas tentationes ipse pertulit, sed in omnibus superauit, per & propter eum, quem dilexit.

In orationibus fuit tam frequens, deuotus, purus, & suspensus, amorēq; diuino impinguatus cum crassitudine spiritali, quod ut pater Vicarius sanctus martyr, Vuilhelmus ex Meuwe Confessor eius, mihi crebro referebat, raro aut nunquam omnium negotiorum, quibus implicatus fuerat, uel aliquarum uanitatum post electionem suam in Prioratum, aliqui pulueres menti eius adhæserunt tempore suæ orationis. Ad lectum post matutinas nisi grauiter infirmatus, nunquam redibat, sed super quodam scamnum recumbebat, pro culcitrati accipiens truncum, desuper posito paruo puluinari: Verum alios non sinebat ita facere, nisi fortes essent in corpore, & in religionis obseruantia exercitati. Talibus uero persuadebat corpora sua discrete castigare, iuuenes stricte prohibebat per duos aut tres annos post ingressum in ordinem, ita agere, propter multa nocumenta,

MARTYRVM ANGLIÆ XXVIII

cumenta, quæ inde acciderunt.


Regebat omnes summa cum prudentia, & omnibus modis quæsiuit bona & pacem plebi suæ. Statura pusillus erat, aspectu elegans, visu uerecundus, moribus modestus, eloquio dulcis, corpore castus, ac humilis corde: omnibus amabilis & desiderabilis, suo conuentui gratissimus ac charissimus: omnes reuerabantur eum, & non erat qui loqueretur de illo ne unum quidem malum uerbum. Et ipse ibat proficiens atque succrescens de die in diem, magis ac magis, & seipso semper robustior efficiebatur: ita, ut uere ab uniuersis magnus haberetur. Et dicebant eum ob eius sanctitatem & perfectionem, dignum existere in Cathalogo sanctorum annumerari, etiam si solummodo communi genere mortis occubuisset. Quid plura? O ingrata uox, quid plura? Multa sane. Si enim linguis hominum loquerer & Angelorū, nihil dignum huius sancti ac uenerabilis patris nostri uirtutibus dicerem. Et quod dixi, minus esse eius meritis, testificor Deum & omnes sanctos Angelos eius. Sed gembundo pectore modo pertransiens & dimittens, plura referre de eo, non quia desunt, sed quia non possum sero nimis

Sub

HISTORIA

sub eius obedientia curuatus, & nimis cito orbatus eius dulci & familiari amicitia, aliqua intereram de ipso Conuentu nostræ domus, ad implendum promissum, quo innotescat, quod duo unum erant, non in carne una, sed uno spiritu faciente utrosque unum, ut laus una sit utrorumque, patris simul & filiorum, una & eadem morte uniente, & finiente patrem cum filijs.

¶ *De perfectione disciplinæ regularis & sanctæ conuersationis, à monachis in domo Londomensi obseruatæ,
Caput V.*



Vid referam de ouibus, ubi talis ac tantus præminebat pastor? Num aliud expectandum, quàm quod uocem pastoris audierint, et eum sequute sint? Non plane, non: me solo excepto, qui quasi pecus macilentum ac scabiosum de ouili abscisus sum. Si singulorum mores illius conuentus discuterem, deficeret me tempus enarrantē: sed summatim loquens, dico quod in summa pace cōseruatus erat locus ille. De lapidibus enim

MARTYR. ANGLIÆ. XXIX

enim dolatis atque perfectis ædificatus erat, & malleus atque securis, & omne ferramentum non fuerunt audita in domo illa Domini: tam polita erat, quod ego nunquam audiui, nec seniores, qui longo tempore ante me ibidem fuerant, nouerantq; opera Domini, & mirabilia eius in profundo, uel unum uerbū exprobrationis per totum conuentum. Apostatas non numero nec recenseo de conuentu, superiora & inferiora inuicem adeo iungebantur, clauis charitatis confixa, dum alter alterius onera portaret, quod pax, patientia, longanimitas, pietas & charitas exuberabant in omnibus: Seniores non per ambitum discurrebant, nec in plateis, sed in cellis suis sedebant de bonis religionis tractantes, nouam reintegrationem lapsorum, piā reformationem errantium, ac uniformem obseruantiam per omnes domos in prouincia conantes inferre. Et iuuenes induebant se gloriam & stolas belli, ad mortificandum membra sua super terram. En lectulum Salomonis quadraginta & octo fortes ambūt ex fortissimis Israël, omnes tenentes gladios & ad bella peritissimi, uniuscuiusq; ensis super femur suum propter timores nocturnos, triginta monachi & octodecim conuersi, qui

I fortiter

HISTORIA

fortiter stabant super custodiam suam die ac nocte, in exercitatioe uictorie quilibet sumptuosius. Incompletus numerus restat, ut spero in annum Iubilei, iucundum erat cernere dimicationem & feruorem eorum.

Silentium & solitudo strictissime ibidem seruabatur, adeo ut si pater aut propinquus quenquam salutasset in ambitu claustrum, eundo aut redeundo ab Ecclesia, siue in alio loco extra cellam, quamuis licentiam habuisset, non respondisset, sed tantum ut ad cellas eorum pergeret, si cum illis loqui uoluisset, annuebat. In nullo loco proijciebatur silentium, nec etiam loquebantur ad inuicem sine licentia. Ante harum ingurgitationem tempestatum, nunquam exierunt clausuras domus, nec ipsi quidem conuersi. Per totum diem, excepto tempore conueniendi in unum et discedendi, uidebatur claustrum propemodum quasi nullus inibi habitasset, nisi aliqui seculares colloquendi gratia fortuito superuenissent. In uisu semper & ubique summe custoditi, cuicumque obuiassent in claustro, hominem nunquam aspiciebant, sed inclinantes se illi, transibant, nec etiam in Ecclesia. Inuigilabant autem puritati cordis internèque de-

MARTYR. ANGLIÆ. XXX

deuotioni, quę per tales insolentias repelluntur
aut præpediuntur, lachrymę in oculis multorum
frequentes erant & penę assidue cū quibusdam
eorum: propter quarum inundationem, mul-
toties non potuerunt in refectorio nec in Eccle-
sia lectiones legere aut cantum persolvere, etiam
aliquorum oculi defecerunt præ lachrymis. Ine-
rat inter eos pia inuidia, non quis eorū esset Vi-
carius aut Procurator (hoc committebant patri
Priori) nec inuicem mordebant, quis illorum
esset maior in regno cęlorum (hoc Deo relin-
quebant) sed quis illorum propius attingeret ue-
ram mortificationē, fortius abnegaret seipsum,
humilius sentiret de se ipso, syncerius seruiret
Deo, feruentius amaret Deum, strictius seruaret
silentium, cautius custodiret cellam, rarius cla-
maret culpas in capitulo, primus ueniret ad Ec-
clesiam, libentius ac diutius ibi moraretur,
quis uirtuosis operibus affectuosius inhæreret,
ac magis supererogaret debito, & quis melius
obseruaret statuta et ceremonias ordinis. Et hoc
gratię Dei, ac suę industrię per Iesum Chri-
stum attribuebant: Pro quibus perficiendis die
ac nocte inuigilabant, & alter alterum ad hæc
pie animabat & adiuuabat.

I ij Erat

HISTORIA

Erat ibi cor unum & anima una, sicut Reuerendus pater uolebat in omnibus, ita ut sæpe pater diceret. Onere graui aggrauatis me fratres, consentientes mihi in omnibus, non sicut ego uolo, sed si ut uos uultis fiat. Omnia erant eis communia, meū & tuum excludebantur à claustro, ita, ut nihil proprium haberetur, siue in libris siue quibusuis rebus alijs: Sed ad uoluntatem & petitionem omnium indifferenter retinebantur, quęcunq; quis in cella habebat. Curiositas summo opere ibi deuitabatur, uilitas, parcitas, & paupertas intimè diligebantur. Quod sane præclare & insignis uirtutis ac gratiæ erat. Nam plerique omnes in illo Conuentu, tam monachi quàm conuersi, magnarum opum ac terrenarum possessionum domini fuerant, aut iure hæreditario eis debebantur multa, sed huiusmodi arbitrati sunt ut stercora, ut Christum lucrifacerēt, pauperem uitam gerentes: Necessarium, non habuit uocem nec locum in Paradyso Dei mei, quia turbabat pacem & seditionem facit in omni loco quo uenerit. Sub umbra enim necessitatis sensualitas & propria uoluntas, quasi leo in spelunca sua, in perditionem animarum requiescunt, ad quas extirpandas ipsum necessarium trudebatur sub di
ra

MARTYR. ANGLIÆ. XXXI

ra custodia patris Prioris, ut quod ille necessari-
um diceret, hoc solummodo haberetur, sola ne-
cessitas uigebat inter eos. Tantum duplicia de ali-
quare necessaria (exceptis libris) habebāt, puta,
habitum, caligas, tunicas, cilicia & huiusmodi.
Non erant potatores nec multo uino dediti. Ha-
bebant ex ordine uinum, bis tantum per septis-
manam, siue festum capituli ueniebat, siue non.
Exceptis tribus principalibus septimanis, & hoc
in modica quantitate, dimidiam scilicet pintam
uini, & non amplius, ullo tempore. Necessitas so-
la extremi frigoris, impellebat aliquos eorum
struere ignem, recolentes quanta frigora et nudi-
tates sustinuerunt sancti Dei, qui circuierunt in
melotis & pellibus caprinis. Etiam si pater Prior
dedisset eis licentiam, sua ligna erogabant in ele-
mosynas pauperum: Nihil ibi fiebat sine licen-
tia, nec dare, nec recipere aliquid quantumcunq;
paruum quis audebat, nec etiam bibere aut fru-
ctus comedere post refectiōes, extrema non
urgente necessitate.

In colloquijs priuatise conuentionibus, otio-
sum uerbum raro quis audiebat, aut de munda-
nis rebus. Si quis tale quid inconsiderate protu-
lisset, confestim monebatur ab audiente, per

I iij quod

HISTORIA

quod animus delinquentis corrigebatur. Sæculares recedebāt ab eorum cellis, creberrimè cum lachrymis dicentes: Vere Deus est in loco isto. Solebant nempe fratres in primo aduentu ad eos, & ad salutationem sæcularium rogare eos, ut nullos rumores nihilq; de mundo intimarent eis: sed si quis sermo bonus esset ad ædificationem, illum trutinabant mente, ad imitationem, ut illud nulla unquam obliuione delendum à posteris, prædecessoris sanctissimi patris nostri Hugonis, Episcopi Lincolnensis exemplum scètarerentur, qui diuertens in quandam domum nostri ordinis, regressurus in Angliā post ædificationem uenerabiliū patrum domus maioris Carthusiæ (ut patet in eius legēda) interrogatus erat ab uno fratrum in cōmuni colloquio eorum, de nouis quibusdam. Cui respondit sanctus Hugo. O pater rumores audire & referre, etsi licet Episcopis, monachis tamē non licet: Cellas uel claustrū rumores ingredi non debent, urbes deserere, & in solitudines rumores afferre non licet. Hec sonora uox sonabat in auribus nostrorum fratrum in tantū, q̃ grauis eis erat accessus sæculariū, etiam si nō ingruisset ultima tēpestas, talis ingressus tamen sæculariū in claustrū nostrum pro posse impediēbatur.

Verum

MARTYR. ANGLIÆ. XXXII

Verum diuini officij prolixitas, dulcedo et modulatio cantus, incitabant animos audientium ad deuotionem, & copiosam lachrymarum effusionem. Vulgo dicebatur, Si uolueritis audire seruitia Dei deuotè celebrata, pergite ad domum Carthusie, illuc destinabantur Legati aliarum nationum, illuc ascendebant tribus, tribus Domini, senes cum iunioribus, pusilli & magni, ad confitendum nomini Domini.


Vigilia cuiuslibet noctis apud eos, à festo omnium sanctorum usque ad Pascha, ad minus durabat per quinque horas. Surgebant enim ferialibus diebus hora decima, diebus etiam capitulorum: festis uero Candelarum ante decimam, perseuerantes in Ecclesia post secundum pulsum usque post tertiam, aliquando usque ad dimidium post tertiam. A Pascha usque ad festum omnium sanctorum, ferialibus diebus, hora undecima. Et ut sine omni sollicitudine essent, quietiusque uacarent Deo, intendebant Domino Regi supplicare, ut omnes terras & possessiones eorum ipse dignaretur accipere, redditurus eis annalem redditum eorum, ita ut illi non implicarentur ullis secularibus negocijs, Sed & statuta cum glossa

HISTORIA

sa, strenuissime ibidem ab omnibus, nullo nota scienter prætermisso, seruabantur. Et ipse uenerabilis pater Prior, cum suo Vicario insistebat, ut secundum glosam statutorum conuentus dirigeretur in omnibus.

¶ *De uniformi obseruantia sacri ordinis & caeremoniarum religiosarum, Caput VI.*

3. Reg. 10.



Vid dicam de uniformi ordine per totum illum Conuentum. Videns regina Saba inter cætera, ordines ministrantium Salomoni, non habebat ultra in se spiritum. Certè quicumque uidisset ordines ministrantium in hac domo Domini, inflammatus fuisset spiritu ad seruiendum Deo uiuenti. Non erat nobiscum sicut in diebus ludicum, quando unusquisq; faciebat, quod sibi rectum uidebatur. Inter nostros enim erat uniformitas morum & caeremoniarum, absque aliqua distinctione & diuersitate. Directa quippe erat uia & aperte expressa per scripta, ita, ut stulti non possent errare per eam. Talis ordo & consonantia, decorant religionem, et ubi non est ordo, certe ibi est ariditas deuotionis, continuus horror

MARTYRVM ANGLIÆ. XXXIII

horror mentium, & uerborum maxima deformitas, & dehonestatio sanctarum religionum, nulla compassio super contritionem Ioseph, sed nec ulla cura, quomodo Deo seruiatur, modo tales inordinati religiosi comedendo, bibendo, & dormiendo suo uentri seruiant. Auis discolor non sortietur hæreditatem Domini, in Dei sacrificio sub ueteri lege, ministrantium uestes non texebantur filis diuersorum colorum. Psalmista insuper ait: Deus in loco sancto suo: Deus qui Psal. 67. inhabitare facit unius moris in domo. Idcirco præfecti & præpositi illius domus nostræ, diligenter inuigilabant, ut unus & idem ordo per omnes & in omnibus custodiretur, & cæremonias in nullo præterirent, sed tam stricte eas obseruarent, quasi ipsa statuta, cōsiderantes quod populo Israël Dominus pro nulla re magis iratus erat, quàm pro transgressione cæremoniarum. Et qui spernit modica, cæremonias & huiusmodi, paulatim decedet in contemptum maiorum. Qui enim in modico iniquus & infidelis est, certe & in maiore erit si permittatur. Ad quæ declinanda, sæpe præconis uoce incultatum erat, illud auribus nostrorum: Custodite cæremonias meas, dicit Dominus, Et ut omnia fierent

K

3. Reg. 2.

HISTORIA

rent decenter, honeste, ad amulsim, cum maturitate, grauitate, & condecencia morum, ac secundum uniformem gestum & modum sacri ordinis nostri.

¶ *De eximia perfectione & simplicitate
fratrum Laicorum: Et de singulari
sanctitate aliquorum patrum,
Caput VII.*



LN grege Laicorum eadem per omnia mandata erant, atque religiosissime obseruata. Erant enim ueri conuersi nomine & re totaliter à mundo ad Deum, filij obedientissimi, fratres charissimi, famuli diligentissimi, patres affectuosissimi, sollicitudinem maximam gerentes pro monachis, & consolationem non modicam eis inferentes in tribulationibus eorum, & amici Dei familiarissimi: Quibus quæ audiuit à patre suo adorando, sæpe reuelauit Dei Filius. Cum uero essent sancti Idiotæ & sine literis, mira tamen conceperunt de lectis & auditis in Ecclesia & refectorio, & sciscitantibus ignitas spiritalis intelligentiæ scintillas eructauerunt. Negociationem sapientiæ Dei,

MARTYRVM ANGLIÆ. XXXIII

Dei, prælibationesq; internas frequentabant, exercebant, & cum intellectuali dulcedine gustabant, feruebatq; inter eos, sicut inter monachos, studium rigide paupertatis, superfluitatis odium, necessitatis tenuis usus, obliuio temporalium, concupiscentia desiderij æternorum, communis humilitas, cordis contritio omnibus in comune, sui ipsius abiectio & prælatio sociorum: Sancta deuotio & feruor spiritus inerant inter eos, adeo, ut duo eorum iacentes super terram in tempore orationis, prostrato corpore eleuabantur simul cum corpore à terra: Nomen unius Rogerus, alterius uero Ioannes. In affirmationem huius aliud non minus stupendum referam, in ædificationem corporis Christi.

Fuit in illa domo nostra Londoniensi quidam uenerabilis pater, sanctitatis inenarrabilis, sexagesimū post professionē suam in nostro ordine excedens annū, è quibus triginta annis Prioratū huius domus nostræ dignissime administrauerat, Vuilhelmus Tynzbi nomine, natione Hybernus. Hic ante habitus & ordinis susceptionē ad sanctā ciuitatē Hierusalē peregrinabatur, ubi & ab Agarenis captus fuit, et perimendus carceri traditus. Sed ipsi in hac angustia cōstituto, pri-

K ij die

HISTORIA

die quàm occidendus erat, uenit in mentem memoria cuiusdam imaginis diuæ Catharinæ, in capella domus paternæ in patria sua pendentis: Ad quam toto cordis affectu conuersus, inuocabat cum crebris lachrymosis suspirijs præfatam Christi sponsam pro sui liberatione. Et in hac supplicatione diutius persistens, somnum incidit, à quo euigilans, inuenit se in illa capella domus paternæ ante prædictam imaginem sedere, Dei omnipotenti uirtute (cui nihil impossibile est) per immensa maris & terrarū spacia subito translatus, non absque grandi miraculo. Vnde & ipse & cæteri qui aderant, uehementer admirati, & de inopinato eius aduentu gauisi sunt. Ipse autem diuinam in se expertus clementiam, & beatissimæ Catharinæ patrocinium, rem prout gesta erat, omnibus enarrauit. Quibus auditis, eum in magna reuerentia habere cœperunt, & ut sanctū uenerari. Quod ille perpendens, clam aufugit, & ad ciuitatem Londoniarum deuenit, & post aliquantulum temporis habitum nostræ religionis in domo nostra suscepit. In qua alter Anthonius effectus est in perpessione & uictoriationum, in frequenti conflictu Dæmonum, & in sanctitate uitæ. Sicut enim Demones plagauerunt

MARTYRVM ANGLIÆ. XXXV

plagauerunt sanctum Anthonium semiuuo co-
relieto, ita & hunc. Qui quidem celabat omnia
ob humilitatis cōseruationem, quantum potuit.
Quadam tamen nocte, tot & tantis plagis à De-
monibus latus erat, quod non potuit se mouere
à loco in quo iacebat, nec tegere corpus uesti-
mentis, propter quæ compulsus erat, absens esse
à principio matutinarum: Quem requirens infir-
marius, inuenit in terra iacentem cum defluenti-
bus uulneribus, omnibus in cella sua conturba-
tis & confusis, frequenter etiam in multis alijs
eum impugnauerunt. Iste sanctus Pater tantæ
sanctitatis erat, quod per multos annos ante
suum obitum, raro uel nunquam dicere potuit
illud sanctissimum Euangelium: In principio
erat uerbū, absq̃ ecstasi & raptu. Raptus quoq̃
erat quodam tempore in Paradysum, ubi & au-
disse se perhibebat ineffabilia uerba, & multos
ibi uidisse, & cognouisse olim sibi familiares. Suo
pereminens sanctitas huius, probata erat ab
omnibus sine simulatione. Obijt autem Anno
Domini 1529.

Multi alij etiam in illa nostra congregatione,
mira dulcedine diuini amoris inebriati, ac ineffa-
bili sanctitate præditi erant. Sæculares dicebant,

K iij quod

HISTORIA

quod si possibile esset hominibus in terris assim-
ilari Angelis in cœlis, eorumq; puritatem ali-
qualiter attingere, in illa domo nostra tales esse.
Sed & ipse uenerabilis pater Prior, crebrius
dicere solebat, sese Angelos sub sua obedientia
Psal. 81. habere: Ego autem dixi, dii erant, & filii ex-
celsi. Quo ad furtiuas disciplinas, quas multi
eorum susceperunt, & de tentationibus, quas
pertulerunt, in quibus terribilibus effigiebus
Diabolus apparuit eis, quas molestias intulit
eis, quibusque plagis corporis maculauit & ce-
cidit eos, qualisque ludus factus est eis, talia
quidem & alia quamplura potius miranda, &
faciliter ueneranda, quam imitanda, omitto
scribere, ne non ueritatis obtestatio, sed adu-
lationis, inanis iactantiæ, aut propriæ laudis
obsequium esse putetur.

Sed hoc pro ueritate sciat omnis domus
Israël, quod mirabilis Deus mirabilia multa &
magna, circa electos suos in illa domo existen-
tes, operari dignatus est. Lingua non potest
dicere, nec litera exprimere magnalia Dei, quæ
per eos fecit: quot tentati, per eorum preces
& sancta consilia alleuiati, quot afflicti & mœ-
sti sunt consolati, quot à baratro desperatio-
nis

MARTYRVM ANGLIÆ. XXXVI

nis subleuati, & erepti: Nullus inconsolatus recessit ab eorum colloquio, nec aliquis perijt, qui eorum implorauerat auxilia, & se precibus eorum semel submiserat, sed sanabatur à quacunq[ue] spiritali infirmitate detinebatur: cum alij quidam non ita suffulti specialiter, aut gladio se peremerint, uel strangulauerint, aut seipsos suspenderint, uel in aquam demerserint. Montes excelsi ceruis, & petra refugium erat hereticis. Psal. 103. Et quod superest, & maximum erat, humiliauit eos Deus, qui est ante sæcula. Nihil fiebat per contentionem, neque per inanem gloriam, sed in humilitate superiores se inuicem arbitantes, non quæ sua sunt, uel erant, considerabant, sed ea quæ aliorum, colligentes singuli fasciculos myrrhæ ex aliorum uirtutibus, unde sibi humilitatem construerent.

Et quamuis per singulorum humilitatem discurrere ut possim, uires interne mihi non suppetant, nimisq[ue] protraherem sermonē, nota facere si uelim omnia quæ uidi & noui, unius tamen humile sentire de seipso non reticebo, patris scilicet Vuilhelmi ex Mewe, qui cū esset iuuenis annorum uiginti et octo, genere præclarus, ingenio acutus, Græco Latinoq[ue] sermone non mediocriter insignis,

HISTORIA

gnis religionis magnus zelator, strenuusque cultor Dei, nec inuentus esset quis similis illi per omnes domus nostrae provinciae, primo Vicarius, postea Procurator nostrae domus, & singulis noctibus in fine secundi nocturni ab Ecclesia recederet, permittentibus statutis, tam confuse recedebat (sicuti mihi crebro referre solebat) quasi reprobatus esset à Domino, indignum se iudicans non solum annumerari, uerum etiam appropinquare uel permanere in consortio fratrum suorum, cum quibus staret & consisteret in laude Dei, & idcirco electum se esse in officium Iudae, ut cum Iuda in fine damnetur, se timere aiebat. Quibus lachrymis illud officium Procuratoris suscepit, quaeque media inuestigarit, ut ab illo exoneraretur, nouerunt uniuersi illius domus. Nunquam illo cordialius dolentem, & amarius plorantem uidi quenquam, quum, solitudine cellae relicta, in tumultum saecularium exiret, iniunctum sibi sub obedientia exequuturus officium, Psal. 101. cum de Pellicano solitudinis fieret taurus pinguis, aptus ad occidendum, de nycticorace in domicilio, coruus deuorans in torrentibus, et de passere solitario, fieret aquila super domum Domini: Dolor ingens tunc attriuit cor eius humile,

MARTYRVM ANGLIÆ. XXXVII

le, inuentam preciosam margaritam uerebatur perdere, gustato insuper spiritu dulciq; quiete solitudinis, despiebat caro libertasq; seruilis. Similes sui in hoc erant & alij quàm plures, qui maluerant sedere in angulo domatis, quàm cum Prouer. 27. muliere litigiosa & in domo cōmuni. Mutuam charitatem illorum, non solum gestus & uerba (quibus se inuicem semper amplexati sunt) sed permaxime ipsa pia sollicitudo (quam unus gerebat pro altero) in omnibus illis malis, quibus circumdati erāt (præcipue, quādo cibaria domorū per præpositos domus ablata erāt ab eis) ostendebat. Quomodo cōpatiebātur singuli singulorū inedia & fami, quomodo tūc se mutuo cōsolabātur, quasq; adinuētiōnes explorauerūt, per quas alijs subuenirēt, & eorū refocillarēt famem & sitim, pia quoq; sollicitudo ipsorum pro in carceratis infra & extra domum luculentissime demonstrabat, per quæ illos ueros esse discipulos Domini nostri Iesu Christi, probatum erat. Nihil inferam de castitate, quia nihil inquinatum uel immūdum introiuit in illam ciuitatem. Quid plura: Ibant in directum uaccæ, per uiam quæ ducit Bethsames, & itinere, non diuerso, sed uno gradiebantur omnes, pergentes & mugientes


L atq;

HISTORIA

atque lugentes prolongationem sui incolatus,
& miseras huius peregrinationis: & non decli-
nabant, neque ad dexteram neque ad sinistram.

I De fratribus reprobis cum bonis sociatis, &
eorum terribili punitione, Cap. VIII.

Hiere. 31.



Prover. 10.

Eccle. 5.

SED si forte calcitrasset quispiam
(Nouum enim conderet Deus su-
per terram) si in tanto conuentu
zizania non superseminasset inimi-
cus, & bonis mali non admixti fuissent, in exerci-
tationem bonorū (Sicut em̄ ibi erāt multi boni,
boni ualde ita erāt ibi aliqui mali, mali ualde) Et
quemadmodum piissimus Deus nō cessauit illos
probare, quasi aurū quod per ignē transit, in bon-
num ipsorū, per accumulationē meritorū & am-
plioris gratiæ, ut ambularēt de uirtute in uirtutē:
ita & istos malos post multas uocationes & di-
uersas correctiones, ad innotescendum, q̄p graue
crimē sit post uota retractare, quomodoq̄ displi-
cet sibi stulta & infidelis, pmissio, quamq̄ male-
dictus sit, qui uotū immolat Domino debile uel
claudum, quomodoq̄ melius esset nō uouere, q̄p
post uota pmissa nō reddere: Nō habens tandē
super quo percuteret eos ultra, addētes preuarica-
tionē, dimisit eos secundū desideria cordis eorū,
quod

MARTYR. ANGLIÆ. XXXVIII

quod omniū plagarū super peccatores est gra-
uissimū metuēdissimūq; eterne reprobationis
signū. Et permisit eos labi, peccatis suis exigenti-
bus, de bono in malū, de malo in peius, & de pe-
iore in pessimā obcæcationē & cæcitātē mentis,
q; nō sentiebāt percutientiē, sed dixerūt bonū ma-
lum, & malum bonū omnibus diebus uiuæ suæ. Esa. 5.
Si ergo, ut dicere cœpi, forte calcitrasset quispiam
aut aliqui ex eis, primo correxit eos Prior pa-
terne ad emendationē, nolens eos perire, sed ad
pœnitentiā reuerti. Cū em̄ inesset cuiq; in illo clau-
stro, cor malū & incredulitatis discedendi à Deo
uiuo, uel alius quis exacerbasset Deum peccator,
non cōtinebat in ira sua clementissimus dominus
misericordias suas, ut secundum multitudinē iræ
suæ nō qugeret, reseruans oīa in futuro: Sed cū
statim in foribus peccatū adesset, ulciscébatur per
apertā uindictā, de quibus uindictis nō est modo
dicendū per singula, quas patres nostri narraue-
runt nobis. Aliquas earū quas ego, & qui mecum
est, frater conuersus, uidimus, reciabo, propter
cautelam aliore. Fœlix enim quem faciunt aliena
pericula cauiū: Iustus quoq; lauabit manus suas Psalm. 57.
in sanguine peccatoris, rimens & deuotans talia
cōmittere, propter quæ uidet alium plagatū, Pe-

L ij stilente

HISTORIA

Prove. 19. Stille quippe flagellato, stultus sapientior erit.

Fuit itaq; in hac congregatione nostra, monachus quidam Thomas Salter nomine, summo pere delectatus in denotatione & diffamatione fratrum, & hoc apud seculares, qui tamen nunq; abstulit malum a seipso. Hic post crebras Apostasias, quodam tempore cum in carcere clausus fuisset, sub custodia etiā unius fratru conuersorū, ne amplius fugā faceret, adeo terribiliter dæmones quadam nocte eū aggressi sunt, & tam dire & horribiliter tractauerūt, q; nisi custos suus, qui id in spiritu uidebat, corporeq; nimio terrore cōcussus, dæmones sentiebat ad Apostatā introeūtes eūq; uexātes, qui insuper audiebat clamores afflicti: Nisi (inq;) iste custos per suas deuotas acclamationes et sanctas preces, cito ad eū euigilasset, ipsum penitus strāgulassent & necassent, sicut ipsemet Apostata postea retulit, qui tamen post multā morā, dæmonibus etiā effugatis, uix ad se redire potuit. Alius quoq; frater fuit Georgius nomine, huic uehementer aspiranti ad ollas carniū in Ægypto, oīa quæ ordinis & sanctæ religionis erāt, onerosa uidebant et grauiā. Hic quodam tempore uesperarē attēdiatus in diuino seruitio, exiuit Ecclesiā secūdum cōsuetudinē, deambulatum

MARTYRVM ANGLIÆ. XXXIX

bulatū in capitulo. Quod cū ingressus fuisset, imago crucifixi, quæ pendeat in p̄spectu introeuntibus, uidebat sibi uertere dorsum in cruce, auertens se totaliter ab eo. Quo uiso, ille eodē instanti amens factus est, & cecidit in desperationē, & in illo miserabili statu permansit per dimidium annū. Postea uero per preces fratrum pristinus reditus fuit sanitati, quam nulla tamen emendatio cōuersionis comitabatur. Nam in tantam irreligiositatē decidit, quod compulsus erat conueni-
tus eum expellere ab ordine per licentiā Capituli generalis. Fuit etiam alius sacerdos, nomine Nicolaus Rawhus, nimis tepidæ cōuersionis, cui etiā satis molestū erat in Ecclesia permanere, qui tandem apostatari meditabatur. Is ueniendo quodam tempore ad uesperas, tanta percussus est cecitate, quod ostium Ecclesiæ minime intrare quauit, nec etiā inuenire: cum tamen unum pedem super limen posuisset, sed palpando huc illucq; diuertebat, & ad cellam reductus, statim uisum recepit. Indignus ergo erat intrare Ecclesiā. Sed & iste idem alio tempore in celebratione Missæ constitutus, tanto terrore ac tremore corporis est concussus, quod procedere non potuit, sed compulsus fuit uestimenta sacerdotalia

HISTORIA

ralia exuere, & inchoata deferere. Similiter & alius frater, nomine Henricus, cōsimilis teporis & cōuersionis, eadē ruminans, sed nō recte diuidens, in celebratione Missæ conuētualis cōstitutus, eodē modo plagatus fuit per horribilē tremorē, cucurritq; ab altari in Sacrariū, ut exueret uestimēta, quod & fecit. Quia semel coepi loqui, addam & quintū de alio quodā, qui etiā monachus erat in domo nostra, nomine Ioannes Daili, magnis quidē rētationibus pręgrauatus. Hic quadā die murmurauit, qđ nō fuit saturatus, & cibis in prandio sibi administratus oculis suis & appetitui nō placuit, dicēs inter cætera, Se maluisse comedere bufones, qđ illius generis pisces. Mira res, iustus Dominus nō fraudauit eū a desiderio suo. Tantā em̄ copiā bufonū attulit ei, qđ cumulati, pauimentū cellæ eius replerēt, reptātes & salientes post eū, quocūq; circa cellā suā pergebat. Erāt sibi cōmensales & cōuiuæ in mensa, etiā in ipsum discū suū prosiliebant: erāt quoq; ei contorales & socij in lecto. Si quem in ignem proijceret, statim exiliebat illesus: si occidisset eos, alij superueniebant, & numerus quotidie augmentabatur, perseuerabantq; cū eo in cella sua per integrum mensem, nec ullo modo ab eis liberari potuit. Semel aut̄ unū eorū forcipe apprehensum, in

MARTYRVM ANGLIÆ. XL

igne torrere uoluit, sed tantus foetor ex eo exalauit, ut à cœpto desistere cōpulsus sit: etiam alij existentes in claustro à longe, eundē foetorē sentiebant. In horto uero suo permanserūt per spaciū trium mensiū, ipsemet frater sæpissime hoc idem cum magno dolore cordis enarrare solebat. Sic per hæc & multa alia reuelauit Deus cōdensa, noluit tam sanctū collegiū, adeo nefarijs acubus & enormibus peccatis dehonestari. Propter alios quoq; permisit deus istos talia pati, ne in idipsum incredulitatis exemplū & peccatū quis incideret, & propter seipsos, ut ita castigati à talibus, in posterū desisterēt stultijs & neq;ijs: Qui tamē nō sunt reuersi, sed irritū fecerūt pactū suū cū Deo & omnibus suis sanctis, & habitu religionis reiecto, exierunt à nobis per licentiā Dñi Regis nostri. Sed hæc de huiusmodi dicta sufficiāt, & utinam eorum pœnitentiam insinuare possē & emendationem, sicut eorum delicta & pertinaciam, ut spes pereuntium esset recuperatio deperditorum. Sed modo eorum mala tantū indicata sunt, ut cautela posterorū sit ruina præcedētiū.

Nunc uero ad inchoatę historię seriem prosequendam, stilum retorquebo, bonorū & malorū exemplis & moribus elucidatis, ut ubi bonorum exempla nos non prouocant, saltem aliorū mala

HISTORIA

nosterreant. Nam idem est Deus, & abbreviata eius manus non est, sed adhuc extenta, ad saluandum & ad puniendum. Et ad domū meam reuertar unde exiui, ubi ut confitear Domino in bonis suis, dignetur reedificare in ea tabernaculum suū, & reuocare ad eam omnes captiuos & dispersos suos, ut in Hierusalem consolemur. O domus gloriosæ uirginis piissimæ matris Dei, edificata olim cum propugnaculis, nūc sedens in tristitia domina gentiū, nomē tuū & memoriale tuū in desiderio animæ. Anima mea desiderat te in hac nocte tenebrosa, sed & spiritus meus in precordijs meis: De mane uigilabo ad te, cupiēs restorationē tuā uidere. O q̄p beatus essem, si fuerint reliquiæ seminis mei ad uidendam claritatē tuā primā, quā habuisti ab initio. At quorsū ista? Quare mœrore cōtraheris anima? Nunquid rex non est tibi, aut consiliarius tuus perijt, quia innouauit te dolor? Nonne benefecit tibi Deus, perducens te recto itinere in domū fratris matris tuæ, ut inde sumas uxore filio tuo Isaac? Nunquid in Iudæa tantū notus Deus? O consolatio onerosa: renuit consolari anima mea taliter. Bene mihi quidem fecit Deus, merita excedens & uota, non attendens misérias & culpas,
nec

MARTYR. ANGLIÆ. XLI

nec mihi faciens secundum peccata mea: Sed si in ipsum cœlum raperet, degenerantis animi esset & nimix ingratitudinis, immò uero impietatis nequissimæ, obliuisci maternorum uiscerum in hac senili ætate, quæ me genuerunt. Et quid ago? Si locutus fuero, non quiescet dolor meus: Et si tacuero, non recedet à me. Exemplo idcirco eius, qui cū turbatus esset, non loquebatur, obmutescam. Veritatem tamen hanc dicam, & non mentiar, testimonio mihi perhibente conscientia mea, quòd tristitia mihi magna est, & intimus dolor super dolorem cordi meo, non solum pro fratribus meis absentibus, qui desiderant diem uidere ex die, quibus nondum perforatum est foramen in ore Leviathan, ut libere Iob 40. transeant hoc mare magnum & spaciosum sine periculo mortis: sed etiam pro alijs, quorum multos ego noui, qui credituri essent per eos & conuerterentur ad Dominum Deum nostrum, si aliqua domus nostri ordinis in illa prouincia reedificaretur: pro meipso autem nihil nisi in infirmitatibus meis spiritualibus. A quibus ut alleuier per Dei misericordiam, hanc sumnam item cum amore & gratiarum actione, quibus possum, non quibus uellem & debeo, amplectar.

M


plectar

LXXIII HISTORIA

plectar in spe, quod participet mecum de bonis
suis, & temperet dolorem, qui ex morte matris
meæ accidit, ac incalesciente suo tactu refoueat
carnem frigidatam præ inueteratione in diebus
malis, quando fodiebatur pectori fouea, firmis-
sime sciens, quod hic & in omni tribu Israël ma-
gnus sit nomen Domini. Et quamuis omnes
qui introibunt in domum Domini, reddituri uo-
ta quæ distinxerunt labia sua, non debent apparere
uacui, sed in holocaustis, in oblatione & odora-
mine uirtutum, cum reformatione moris ac sui ab-
negatione, Deo suo appropinquare: tamen sancti
patres nostri, pro quibus præcipue hæc historia
textitur, præter oblationes & uota ultronea obtu-
lerunt in decorem domus Dei nostri holocau-
sta medullata, cum incenso arietum, & adipe pin-
guum: obtulerunt boues cum hircis, pellem cum
carne, nihil sibi reseruantes, nec corpus nec ani-
mam, nec interiora, nec exteriora, quando qui-
dem agonizauerunt pro iustitia usque ad mor-
tem, mortem quidem contemptibilem & hor-
rendam, mortem autem patibuli, gladii & ignis.
De qua morte restat adhuc dicendum. Quod
priusquam aggrediar (revelationibus, quibus Do-
minus seruos suos frequenter erudiuit, præ-
termis-

MARTYRVM ANGLIÆ. XLII
ternissis) de aliquibus signis prodigiosis pauca
referam.

C De prodigijs ante martyriū fratrum uisjs. Et de
preparatione eorum ad mortem, primo pro-
pter secundas nuptias Regis, & tandem
finaliter propter schisma, Caput
nonum.



Contigit autē Anno Domini 1533.
p ocellosam hanc tempestatem pre-
cedente, cometem uideri in aëre ex-
tendentem radios suos plane &
aperte usq; ad domum nostram. Totus Conuen-
tus, regrediens quadam nocte à matutinis, cerne-
bat ac intuebatur radios provenientes ab illa
stella, coruscare ac scintillare per quandam al-
tam arborē in cœmiterio nostro, & transfunde-
re se, & transuerberare super Ecclesiā nostram,
& illum locum, ubi campanæ pendeabant. Quod
quidē inauditum est, & inuisum à retro sæculis.
Eodem quoq; anno uenerabilis pater Prior no-
ster, quadā nocte post secundū Nocturnū egres-
siebat Ecclesiam, qui intrans in cœmiteriū, uide-

M ij bat

HISTORIA

bat in aëre globum sanguineum miræ magnitudinis. Ad cuius aspectum expauit cor eius, & præ timore cecidit super terram. Eundem aut similem globum siue spheram uidebat & alius frater eadem nocte, exiens in hortum celle post Matutinas. Alia etiam non minus monstrosa de duobus cuneis muscarum, instante ipso periculoso tempore acciderunt: Quarum una turma fuit nigerissima, et ualde deformes erant, similimque illis muscis, quæ gignuntur è simo iumentorum. Alterius uero turmæ muscæ, erant diuersorum colorum, et oblongæ, similes illis quæ uolitant in arundinetis super aquas. Et hæ turmæ duæ infinitæ multitudinis, diuersis temporibus requieuerunt super domum nostram, ac omnem superficiem eius cooperuerunt. Quæ quidem omnia aliquorum euentuum signa & prodigia nobis imminentium esse formidabamus, & in bonum conuerti omnes rogabamus. Sed anno sequenti timor, quem timuimus, euenit nobis, & quod ueriti fuimus accidit, ac tanta mala eruperunt, per quæ si Deus nobis misericors non fuisset, poterat omnis retro abundantia tradi obliuioni.

Anno enim Domini 1534. cum ciuitas nostra,

MARTYR. ANGLIÆ. XLIII

stra, domum dico salutationis beatissime Ma-
 tris Dei uirginis Mariæ iuxta Londonias, habi-
 taretur in omni pace (leges enim optime custo-
 diebantur, propter dicti religiosissimi patris no-
 stri Ioannis Houthon inibi Prioris existentis,
 dispositionē, deuotionem, pietatem & peruigi-
 lem curam circa gregem suum, ac animas inibi
 odio habentes mala) contigit inimicum huma-
 ni generis, quieti, paci, charitati ac sanctitati eo-
 rum inuidentem, animum regis Angliæ, ad quæ-
 dam illicita in regno suo peragenda instigare.
 Super quibus consensum omnium sibi subdito-
 rum, à sedecim annorum etate & supra, tam res-
 ligiosorum quàm secularium extorquere uole-
 bat: Quorum malorum caput siue principium
 hoc erat, ut omnes secundis suis nuptiis, priore
 regina et coniuge sua licet superstitē, cōsentirent,
 easque ratas & licitas esse affirmarent. Cumq;
 commissarij ad hoc negotium delegati, hoc edi-
 ctum regis exequi egrederentur, & ad sanctum
 patrem nostrum deuenissent, quatenus ipse &
 suus conuentus regiæ iussioni & ordinationi
 præberent consensum: Respondit pater, suæ
 uocationis non esse, nec se, seu quenquam suo-
 rum, regiis negotiis ingerere posse aut debere:

M in Neq

Secunde nup-
 tie uiuente prē-
 ma uxore.

HISTORIA

Neque sua interesse quam uelit rex repudiare, quamue accipere uxorem, dummodo à se suisque nihil de huiusmodi rebus exegerit. Sed hoc responso non contenti, uoluerunt, ut sine aliqua interpolatione, conuentu suo congregato sub præstito iuramento illicitas esse priores nuptias affirmarent, hisque secundis et proli subter eas editę præberent animum & obedientiam. Venerabili tunc patre nostro respondente, se non posse capere, quo pacto priores nuptiæ secundum ritum Ecclesię celebratę et tam diu obseruatę irritarentur, iussus est mox recludi in carcere turris Londoniensis cum patre Hunfrido, procuratore domus nostrę, ubi per unum mensem detenti fuerunt. Postea uero persuasum est eis per quosdam probos & doctos uiros, illam non esse licitā causam mortis infligendę: Quibus auditis, sub conditione regię annuerunt iussioni, sicque dimissi, domum redierunt, quos admodum læti suscepimus. Verum quando id iuramentum à conuentu exigebatur, non minima inter eos erat turbatio: Quod cernens pius pater noster, ait. Nondum aduenit hora nostra, patres charissimi. In ipsa autem nocte, qua frater procurator & ego à carcere fuimus dimissi, me non tam cito

MARTYR. ANGLIÆ. XLIII

cito euasurum, sed illuc reducendum, eundemq;
 carcerem infra annum me recepturum somnia-
 ui, ubi cursum meum consummabo. Restat idcir-
 co aliquid aliud nobis in breui proponendum,
 ut existimo (quamuis fides non sit adhibenda
 somnijs) tamen pariter uiuamus Deo non offen-
 so, quamdiu possumus. Dum hæc ita agerentur,
 uenerunt Consiliarij regij & rectores ciuitatis
 cum satellitibus suis, rapere & carceri mancipare
 totum conuentum. Remiserant enim eos uacu-
 os à proposito bis antea, uenientes accipere iura-
 mentum. Quod fratres considerantes, pijs &
 salutaribus sancti patris consilijs & exhortationis
 bus acquiescere decreuerunt. Et sic demum in
 uerba regis iurauimus, sub conditione tamen,
 quatenus licitum esset. Anno Domini 1534.
 die uicesimo quarto Maij, Prioratus patris no-
 stri anno quarto. Nos igit de uentre huius imma-
 nis ceri salua conscientia, ut sperabamus, liberati,
 letari cepimus cū lona super hedera in habitacu-
 lis nostris, quæ obumbraret & protegeret nos à
 pluuia, turbine & æstu, ut sub umbra illius securi
 sederemus absq; aliqua maiori tribulatione. Sed Psal. 145.
 melius est confidere in Domino, q̃ in principib;
 bus, in quibus nō est salus. Preparauit em̃ Deus
 uermem

longe 2.

INDEX HISTORIA

Ionæ 4.

Schisma ab
unitate Eccle-
sæ.

uerme in ascensu diluculi, qui percussit hederam et
exaruit, nullo uestigio prioris fœderis initi rema-
nente, uexatioq; dedit nobis intellectum de prædi-
cta reuelatione sancti patris nostri. Et tunc uere ex-
perti sumus, qd Prophetæ fuerat in medio nostri.

In principio enim anni Domini 1535. diffi-
nitum fuit per Regem Angliæ, & in celebri actu
Parlamenti sui institutum, ut omnes authorita-
tem & obedientiam, quam debebant domino
Papæ & cuiq; alio superiori in alijs regnis, abre-
nunciarent, & ipsum Regem, ut supremum ca-
put Ecclesiæ, tam in spiritualibus quàm tempo-
ralibus, sub iuramenti attestazione susciperent:
Contradicentes uero, tanquam rei læsæ maie-
statis haberentur, & æquali morte plecterentur.
Quod cum per totum regnum promulga-
tum fuisset, uenerabilis pater Prior noster con-
uocauit Capitulum, atque quæ imminebant
conuentui indicauit. Quibus auditis, consternati
erant animo ualde. Tunc dixit pater, Tris-
titia mihi magna est, & cordi ingens dolor præ-
ceteris, pro fratribus meis iuuentulis, qui ab-
undant in isto conuentu. Videtis enim fra-
tres, q̃ multi sunt hic iuvenes innocenter mo-
do uiuentes, quorum ceruicibus iugum oneris et
sceptrum

MARTYRVM ANGLIÆ. XLV

ſceptrum exactoris nunquam impoſitum fuit :
 Qui cum ſemel commixti fuerint inter gentes, ti-
 mendum eſt, ne diſcant opera eorum, & cum
 cœperint ſpiritu, nunc carne conſummentur :
 Corruptunt enim bonos mores colloquia ma- 1. Cor. 15.
 la : Cum peruerſo conuerſantes, cito peruertenti-
 tur. Et difficile eſt tangere picem, id eſt, mundum Eccleſ. 13.
 abſq̃ inquinamento carnis & ſpiritus, ac tranſire
 per ignem illæſum. Alij etiam ſunt ex nobis, à
 quorum fortæſſis cordibus luxuria penitus ab-
 ſciſa non eſt, de quorum periculo non minime
 metuimus, cum reinceperint per conuerſatio-
 nem mūdānis rurfus inuolui. Quid dicam ergo
 fratres, uel quid faciam, dum nil boni perferam
 de his, quos dedit mihi Deus, ante iudiciū æter-
 num? Et fletus magnus inter eos erat. Tunc
 dixerunt omnes conſtanti animo & una uoce,
 Moriamur omnes in ſimplicitate noſtra, & tes-
 tes erunt ſuper nos cœlum & terra, quod iniu-
 ſte perſiti ſumus de terra. Reſpondit mœſtus
 pater, Utinam ita fiat, quod una mors reddat ui-
 uos, quos una uita tenuit mortuos. Sed nec tan-
 tum bonū nobis, tantumq̃ malum ſibiſiſ illa-
 turos eos credo : Ex nobili proſapia multi ue-
 ſtrum eſtis, ſed hoc potius (ut reor) facient, Vos
 N ſeniores

HISTORIA

seniores & me in mortem tradent, hosquē iu-
venes dimittent auolare liberos in terram non
suam. Idcirco si solummodo pro meo consen-
su negocium fuerit, exponam me misericordiæ
Dei, & ero anathema pro his fratribus meis mi-
nimis, ac consentiam regiæ uoluntati, si licite
fieri possit, ut præseruem istos à tot & tantis pe-
riculis futuris. Si aliter decreuerint fieri, ut om-
nes consentiant, & si mors unius (ne tota gens
pereat) non proderit, fiat uoluntas Dei, & uti-
nam fiat par sacrificium de omnibus. O quo-
modo coarabat spiritum huius sanctissimi uiri,
hinc charitas Dei nolens offendere eum, illinc
periculum aliorum, à quo eos præseruare cu-
piebat: sed quid eligeret ignorabat, præualuit
tamen charitas Dei, memorans eiusdem senten-
tiam: Quid proficit homo, si lucretur uniuersum
mundum, seipsum uero perdat, & detris-
mentum sui faciat: Qui me erubuerit & sermo-
nes meos, &c. Vel illud: Qui aliquid amat
plus quàm me, non est me dignus.

Lucæ 9.

Matth. 19.

Nihilominus iste sanctus pater noster ita angus-
tius in hac conuentione nostra, dixit in super
nobis. Ignorantibus nobis fratres quid eueniet,
ne

MARTYRVM ANGLIÆ. XLVI

ne imparati inueniamur, quando Dominus pul-
 sauerit ianuam, disponamus nos, ac si statim mo-
 rituri simus: Iacula enim prœuisa minus feriunt.
 Tunc suauiter eis præparare corda sua Deo per ge-
 neralem confessionem, deditque licentiam, ut unus-
 quisque confisorem quemcumque uoluerat in clau-
 stro sibi eligeret, & omnibus dedit auctoritatem
 plenarie absolutionis. Et hoc facto, sequenti die
 inquit: Quia in multis offendimus omnes, & Iacob. 3.
 unusquisque debitor est habet fratrem suum, & etiam
 quia sine charitate nec mors nec uita aliquid pro-
 derit, inuicem reconciliabimur. Et tertia die Mis-
 sam de Spiritu sancto celebrabimus, pro gratia
 illius impetranda, qua ualeamus uoluntatem &
 beneplacitum eius adimplere. Igitur cum prima
 dies transisset, patris nostri saluberrimo consilio
 adimpleto, & dies reconciliationis aduenisset,
 præmissis Pater noster, diutino & deuotissimo
 sermone de charitate, patientia, ac firma adhæ-
 sione post Deum, in aduersis, tractando illos
 quinque primos uersus Psalmi: Deus repulisti Psal. 59.
 nos, & destruxisti nos: ita finiendo & conclu-
 dendo sermonem suum. Melius est nos hic pro
 culpa breuē suscipere poenam, quam æternis ser-
 uari cruciatibus: Tunc dixit, Charissimi patres

N n &

HISTORIA

& fratres, quod uideritis me facere, facite obse-
 ro & uos. Statimq; surgens perrexit ad senio-
 rem domus iuxta se sedentem, ac genua flectens
 coram eo humiliter petijt ueniam, & indulgen-
 tiam pro omnibus suis excessibus & peccatis,
 contra eum aliquo modo commissis corde, ore, uel
 opere. Et eodem modo, alter se habuit ad eum,
 petens ueniam pro suis. Et sic procedens pater
 per chorum suum primo, deinde in altero choro
 eadem petijt ab unoquoq; singillatim per se, do-
 nec ueniret ad ultimum conuersum, amarissimè
 plorans super singulos. Et similiter omnes seque-
 bantur eum alternatim, singuli petentes à singu-
 lis ueniam. O quantus ibi luctus, quantæ profu-
 sæ lachrymæ! Vere uox in rhama audita tunc
 erat, ploratus & ululatus multus; Rachel plorans
 filios suos inconsolabiliter & irremediabilibus
 lachrymis, præuidens mala eis imminencia. Ab
 hoc die, qui uultum sancti patris nostri intuitus
 fuisset (qui quidem antea ob qualemcunq; euen-
 tum, in diuersa nunquam mutabatur) sciuiisset
 utique, quæ & qualis plaga modo tetigerat cor
 eius. Facies enim & color immutatus, declarabat
 internum animi dolorem. Circumfusa erat uiro
 interna quædam mœstitia, & horror corporis,
 per

Matth. 2.
 Hie. 31.

MARTYRVM ANGLIÆ. XLVII

per quem manifestus aspicientibus dolor cordis eius efficiebatur.

Tertia uero adueniente die, qua Missa de Spiritu sancto in conuentu celebranda erat, ipsemet deuotus pater Prior præparauit se ad illam persoluendam. In cuius tempore Missæ dignatus est omnipotens & misericors Deus, mira & ineffabilia operari. Sacramentum regis abscondere bonum est, opera autem Dei reuelare & confiteri honorificum est. Manifestabo ergo ueritatem, & non abscondam à uobis occultum sermonem. In illa conuentuali Missa, sanctissima eleuatione peracta, sibilus quidam auræ tenuis, exterius paululum sonans, interius uero multum operans, à pluribus percipitur & auditur auribus corporis, & ab omnibus sentitur & hauritur auribus cordis. Cuius dulci modulatione & sono, uenerabilis pater Prior tactus, in tantam est diuinæ illustrationis copiam, & lachrymarum abundantiam resolutus, quod per longam moram in officio Missæ procedere nequibat. Conuentus quoque stabat stupefactus, audiens quidem uocem, ac sentiens miram & suauem operationem in corde, nesciens tamen unde ueniat aut quo uadat. Verum impleta gaudebant ui-

N in scera

HISTORIA

scera illo sanctissimo flatu, & bene perceperunt, quod uere Deus illic esset, qui etiam secreta sua denudabat aliquibus, diuidens cuique prout uolebat. Et quemadmodum legitur in numerorum Num. 11. libro, ubi describitur distributio spiritus in septuaginta, quod requievisset spiritus etiam super alios duos, qui remanserant in castris, & non exierant in tabernaculum: Ita modo apud nostros accidit, Gratia administrata & effusam in tempore huius Missae, participauerunt etiam fratres conuersi, existentes in capellis prope chorum adiacentibus, mira suauitate tempore, quo & monachi. De hac sanctissima Missa, pius pater noster mentionem fecit in proxima conuentione fratrum, cum multa gratiarum actione & deuota admonitione, ut in gratia Dei permanerent, per instantes orationes, & sanctam conuersationem in humilitate radicatum, & filialem timorem. Subiunxitque, Non propter me, sed propter uestram sanctitatem haec operatus est Deus. Illic erat pia lis & concertatio, quis humiliter sentiret de seipso. Pater attribuebat omnia deuotioni filiorum, filij uero omnia sanctitati & meritis patris.

Quanta autem in hac congregatione
post

MARTYRVM ANGLIÆ. XLVIII

post hanc diem, fuerit instantia precum, non est
 meæ possibilitatis enarrare: Quomodo etiam
 perseuerabant unanimiter in orationibus die ac
 nocte, & quomodo prosternebant se ante sum-
 mum altare post matutinas, postulantes auxi-
 lium de sancto, ut dignaretur Deus tueri eos.
 O quoties replicauit pater Prior illam oratio-
 nem David: Ego sum qui peccaui, ego qui ini- 2 Reg. 24.
 que egi. Istæ oues quid fecerunt? Veritatur obse-
 cro manus tua in me, & in domum patris mei.
 Et illud: Pater sancte serua eos in nomine tuo, Ioan. 17.
 quos dedisti mihi. Taceo de multis alijs lugu-
 bribus conuentionibus & actionibus, quæ ibi
 gestæ fuerunt.

Interea dum hæc ita se haberent, opponente
 se fortiter pare murum pro domo Israël, &
 stante ex aduerso pro omnibus sibi commissis,
 & nec minis nec blanditijs cedente, sed præsto-
 lante aduentum Consiliariorum domini regis,
 qui edictum eius exequerentur, reuerendus pater
 Robertus Laurens, Prior domus bellæ uallis,
 nostræ tamen domus professus, ad Londonias
 accessit uisitandi gratia, si cuncta prospera es-
 sent erga patrem nostrum & pecora sua: Erat
 enim uir plane religiosus, & pietate plenus.
 Et

HISTORIA

Et infra biduū contigit, & reuerendum Patrem Augustinū Vuebster, profelsū domus de Sche- ne, gerentē prioratū domus uisitationis beatiss- mę Marię, pro negocijs domus suę ad ciuitatem Londoniarum etiam aduenire: Qui diuertentes ad domum nostram, audierunt in quibus malis & periculis constituti eramus, & quo furo- re exarsit in nos Dominus Rex. Intimatum enim erat ei, quod Prior cum conuentu illius do- mus preparabat se ad resistendum, propter quod nimio furore agitabatur.

¶ De captiuitate torturaq; trium Priorum
& martyrio eorum propter confes-
sionem fidei & Ecclesię Catholicę,
Caput X.

Tunc illis tribus reuerendis patribus Prioribus considerantibus iram regis esse nuncium mortis, illam mitigare si commode potuissent, communis consilio decreuerunt, ut exitum rei committerent iudicio Dei, & illi anticiparent & precocis parent tempus expectati aduentus Consiliario- rum Regis, eundo ad dictum Dominum Thomam

MARTYRVM ANGLIÆ. XLIX

nam Crouwell, constitutum à domino rege
suum Vicarium in omnibus negotijs, ad implo-
randum, quatenus eius interuentu à regis edi-
cto possent eximi, uel aliquam mitigationem
sue alleuiationem, à tenore & rigore decreti
in iuramenti præstatione obtinere. Ad quem
cum accessissent hi tres reuerendi patres, eiq;
sua desideria supplicationesq; humilime expo-
suerunt, nullo modo annuebat petitioni eorum,
sed eos tanquam rebelles in carcerē turris Lon-
doniensis retrudi iussit. Ad quos, cum per unam
septimanam ibi detenti fuissent, ipse cum multis
alijs ex Consiliarijs Regis deuenit, propositurus
eis decretū Parlamenti, quod fuit, Vt authori-
tati domini Papæ abrenunciarent, ipsumq; falsè,
uiolenter ac extorte usurpasse suam primariam
potestatem faterentur, & omnes alias externas
potestates, iurisdictiones & obedientias abnega-
rent, cuicunq; etiam personæ uel ordini debitæ
essent aut promissæ: Soli regi suisq; obtempera-
rent, & ipsum Regem supremum caput Eccle-
siæ, tam in spiritualibus quàm temporalibus, ac-
ceptarent, crederent, & affirmarent. Cumq; re-
spondissent patres nostri, se consensuros omni-
bus, quæ & in quantum lex diuina permiserit,
O subiunxit

HISTORIA

subiunxit ille, Nullam exceptionem admittam, siue lex diuina permiserit, siue non: Hoc integre, plenarie, synceriter in corde, & cum iuramento publico in ore affirmabitis, & firmiter tenebitis: Replicauerunt nostri beatissimi patres, Ecclesiam Catholicam aliter semper tenuisse ac docuisse. Respondit ille, Non curo Ecclesiam, uultis consentire, an non? Dixerunt illi, sese propter timorem Dei non ausos esse contraire, ac deserere Ecclesiam Catholicam, pro eo quod diuus Augustinus dicit, se noluisse credere Euangelio Christi, nisi quia sancta Orthodoxa Ecclesia ita eum instruxit ac docuit. Tunc iussi sunt iterum recludi in carcere.

Die autem ad hoc destinato, producti sunt ad tribunal, ubi cum super hoc negocio denuo fuissent requisiti, penitus contradixerunt, dicentes se nullo pacto legi Dei, doctrinae atque consuetudini sanctae matris Ecclesiae, uel in minimo uelle contraire. Quo audito, mox electi fuere duodecim uiri secundum consuetudinem iuris, qui sub praestito suo iuramento, de hac re tractarent, utrum illi tres uiri, pro eo quod noluerunt acquiescere ac subiacere decretis Parlamēti, digni essent morte an non: Qui hoc mandato habito, sententiam

MARTYRVM ANGLIÆ. L

tentiam suam distulerunt in crastinum. Ventilata autem inter eos per totum illum diem hac causa & quaestione, contradixerunt omnes, & concluderunt innocentes fore, & immunes sanctos patres nostros a transgressione legis, seque nullo modo inuenire eos posse tanquam reos occidendos. Interim suspicatus ille Vicarius domini regis, bonam conscientiam illorum duodecim uirore, uespere primae diei, antequam palam edicerent suum uerdictum, misit ad eos seiscitandi gratia causam tantae dilationis, & quidnam facere intenderent. Illi uero nuncio insinauerunt, tam sanctos uiros sese non auctos fore, ut malefactores morti adiudicare: Qui renuncians huius domino suo, in iram concitatus, sine mora remisit ad eos dicens. Si uos eos culpabiles non inueneritis, uos ipsi mortem transgressore subibitis. Illi tamen has minas paruipendentes, firmauerunt sermonem suum, & tunc temporis noluerunt consentire. Quod ille audiens, mox uenit ad eos, & per suas comminationes crudeles, compulit eos reddere uerdictum, uel potius falsum dictum suum, in condemnationem patrum nostrorum, reosque eos condemnare laesae maiestatis. Quo uerdicto, per eos in crastino pro palato, data est a iudicibus sententia mortis su-

O n per

HISTORIA

per patres nostros, eius scilicet, quæ in reos criminis læsæ maiestatis dari consuevit. Et sic denuo in carcerem detrudi iussi sunt, ubi & manserunt diebus quinque, per quos multas molestias passi sunt, illisque stantibus in magna constantia aduersus eos, qui ipsos deprimebant, mandatum fuit, ut ad mortem educerentur. Supplicium siue modus mortis (si modus dici possit, ubi supra omnem humanum modum sæua crudelitas & crudelis Tyrannis exaggerabatur) talis fuit.

Educti de carcere, statim deiectioni erant super uimicillum, uulgariter Ahyrdle dictum, & resupini huic alligati fuerunt, toto corpore extenso in longum. Et sic super hoc accubantes, retro ad calces equorum per totam ciuitatem trahebantur, quousque deuenerunt ad locum bubali, ubi omnes scelerati plecti consueuerunt: Qui locus distabat ab illo carcere, una leuca uel miliari gallico. Quot grauamina quantosque cruciatus per totam uiam illam pertulerunt, quando modo per turgida & aspera loca iter haberent, modo per aquosa & lutosa, quæ in uia admodum abundant, traicerentur, quis enarrare sufficiat? Sicque perductis illis ad locum determinatum, sanctus pater noster primus soluebatur. Tunc spiculator
genu

MARTYRVM ANGLIÆ. LI

genu flexit (ut moris est illius patriæ) ante eum, petens sibi indulgeri opus illud crudele in eum exercendum. O bone Iesu, quis nō fletet, Christi seruum si uideret in tanto supplicio? Quis posset non contristari, tam sancti uiri benignitatem contemplando, quàm benigne & modeste allocutus fuerit suum interemptorem, quàm dulciter amplexatus & osculatus, & pro eo & cæteris astantibus quàm pie rogauerit? Deinde iussus est scalam ascendere ad patibulum, ubi suspendendus erat, qui mitissime obtemperans, ascendit. Tunc unus ex Consiliarijs domini Regis, qui ibi stabant cum multis milibus hominum ad tale spectaculum concurrentium, petijt ab eo, si annuere uellet regiæ iussioni & decreto Parlamenti: Si uellet, uenia sibi daretur. Respondit constans martyr Christi, Testem inuoco omnipotentem Deum, & uos omnes obsecro, idem pro me in terribili die iudicij attestari, quod hic moriturus publice, profiteor me hanc inobedientiam & renitentiam contra domini nostri Regis uoluntatem, non ex aliqua pertinacia, malitia, siue animo rebellionis committere, sed solummodo ob timorem Dei, ne eius maiestatem offendam supernam, eò quod sancta nostra mater

O iij Ecclesia

HISTORIA

Ecclesia aliter decreuit & statuit, q̃ ipse rex uester
cū suo Parlamento ordinauit, per quod obliga-
tus sum in cōscientia mea, etiam paratus & non
turbatus, hæc, & omnia quæ possunt infligi tor-
menta, pati potius, quàm Ecclesiæ doctrinæ ad-
uersari. Orate pro me, & misereamini fratrum
meorum, quorum Prior fui indignus. Et his di-
ctis, inducias petijt à lictore, donec finisset ora-
tionem suam, quæ erat: In te Domine speraui,
usque: In manus tuas, inclusiue. Qua dicta, &
signo dato, euerfa est scala, & sic suspensus erat.
Et mox unus astantium, antequam sancta eius
anima exiret à corpore, abscidit funem, sicq̃ de-
cidens in terram, paululum palpitare & respi-
rare cœpit.

Tunc in alium locum adiacentem tractus fuit,
ubi uestibus omnibus uiolentiſſime extractis,
nudus super prædictum uimicillum siue traheam
rursus distenditur. In quem mox cruentus lictor
nefarias suas manus misit. Primo eius uerenda
abscidit, deinde uentrem eius dirupit, & uiscera
uniuersa, cor quoque & omnia interiora sua
euulſit ac proiecit in ignem: Ipso interim beatif-
ſimo patre nostro, non solum non rugiente cla-
moribus, præ intolerabili illo dolore, uerū etiam
econtra

MARTYRVM ANGLIÆ. LII

contra per hoc totum tempus, donec cor eius
erutum erat, continue orante, & supra huma-
num modum patiētissime, mansuetissime et tran-
quillissime se habente: ita, ut mirarentur nō so-
lum præsides, uerum etiam omnis plebs, quæ ui-
debat. Et in ultimo spiritu constitutus ac pene
euisceratus, dulcissima uoce clamabat. Pijssime
Domine Iesu, miserere mei in hac hora. Et (ut
fide digni uiri affirmauerunt) tortori dixit, in
ipsa euulsione cordis sui, Bone Iesu, quid facies
cum corde meo? Et hæc dicens, spiritū exhalauit.
Postremo caput eius abscisum erat ac truncatum,
corpus in quatuor partes diuisum. Hoc modo
iste sanctus filius uester, fidelis inuentus est usque
ad mortem, reuerende pater. Migravit autem
ex hoc mundo ad Dominum, quarto die Maij,
Anno Dñi 1535. ætatis suæ quadragesimo octauo.
Prioratus uero sui quinto, tanq̃ pastor bonus,
qui animā suā posuit, nō solum pro ouibus suis, Ioan. 10.
sed & pro iustitia & fide Dñi nostri Iesu Christi.

Isto sancto patre ita occiso, alij duo prænomi-
nati uenerabiles patres, Robertus, & Augustia-
nus, cum quodam religioso uiro, nomine Regi-
naldo, ordinis sanctæ Brigittæ, eodem crudelif-
simo genere mortis ipso instāti successiue uexati,
uita

HISTORIA

uita hac fuerunt priuati: Quorum omnia mor-
ticina caldarijs sunt iniecta, & aliquantulum lixa,
& sic demum per diuersa loca ciuitatis suspensa.
Et unum brachium patris nostri ad portam do-
mus nostræ suspendebatur: Quod quidem bra-
chium, pendebat ibi usq; post duos dies transmi-
grationis nostræ in Babylonem. Tertio aut die
contigit duos ex nostris per illam portā transire:
unum recedendo à domo nostra, & alterum
accedendo. Et dum per euentum obuiationis
mutuæ consisterent sermocinando, illud sanctis-
simum brachium decidit ad terram, nullo alio
uidente, quod ualde raro inibi uisum est propter
frequentationē uiatorum. Idcirco quasi pro mi-
raculo illud nos suscepimus, & in loculo posui-
mus cum sanguinolento cilicio siue indusio eius-
dem patris nostri, in qua martyrizatus fuit, &
cum causa ipsius mortis descripta, per manus
sancti Vuilhelmi ex Meurwe, quam ille misisset
ad reuerendum patrem, præidentem in domo
uestra, si uita comes fuisset. Loculum autem re-
conditum in subterraneo loco reposuimus, do-
nec congreget Deus congregationem populi
sui, & propitius fiat. Hoc genus mortis & sup-
plicium eos subiisse, palam est: hancq; esse cau-
sam

MARTYRVM ANGLIÆ. LIII

sam & occasionem necis eorum & non aliam,
 non solum testantur actus & statuta Parlamen-
 ti, uerum etiam ipse sanctus pater noster. Postq̃
 enim sententia mortis subeundæ in eum data
 fuit, omnia interrogata & responsa sua in hoc
 negotio, scripsit propria manu in pugillari:
 Quem pugillarem misit ad patrem Vuilhelmum
 iam dictum, procuratorem domus nostræ, qui
 mihi misero dedit eundem, quem & ego post-
 modum cuidam Hispano, uiro probo & deuo-
 to, nomine Petro de Bardis, contuli: Qui mihi
 promisit, eundem pugillarem cum portiuncula
 indusij sancti patris nostri, sanctissimo domino
 Papæ, aut reuerendo patri tunc præsidenti in
 domo uestra, se missurū. Hæc idcirco retuli, quia
 aliqui mediocris censurę dicunt, sanctum patrem
 nostrum cum fratribus suis conspirasse in mor-
 tem domini regis, & ideo ultionis iustæ subiisse
 sententiā. Quod penitus falsum est. Et quid ege-
 mus testibus? Nos ipsi, qui uiuimus, qui relinqui-
 mur, audiuius ex ore ipsius domini Cromwell
 causam. Et opposuit nobis eandem, quoties ad
 nos uenit, sub eadem forma & cum eisdem uer-
 bis. Synceriter, integre & sine aliqua simulatio-
 ne, iureiurando abnegabitis auctoritatem Papę,
 P &

HISTORIA

& omnium superiorum uestrorum, sicut supra recitauimus.

De trium aliorum Patrum trucidatione, & residuorum afflictione continua, Cap. XI.



IS sanctis ita trucidatis, ob hanc quoque causam infra tres sequentes hebdomadas, quidam infimæ conditionis homines, & nullo nomine digni, ad præfatum domini regis Vicarium accesserunt, postulantes ab eo authoritatem, plures Carthusienses illudendi & affligendi. Quam libenter concessa, concito ad nos uenerunt gradu, ac tres alios uenerabiles patres (qui capita res manserant) rapuere, scilicet patrem Hunfridum Middelmöre, tunc Vicarium existentem, & antea procuratorem domus: patrem Vuilhelmum ex Meurwe, remouit à Vicariatu procuratorem factum, & patrem Sebastianum Nendegate, sacerdotem & monachum eiusdem nostræ domus: hos tres illi immisericordes duxerunt ignominiose ad foetidissimum carcerem, ubi illos per duas integras hebdomadas cathenis ferreis circa colla & crura iniectis, constrinxerunt, & alligauerunt eos durissime, cum maxima crudelitate, erectos ad

MARTYRVM ANGLIÆ. LIII

ad postes & columnas domus, absq̃ ullo releuamine uel solutione, pro quacunq̃ necessitate facienda. Illis hebdomanibus transactis, præsentati erant concilio seorsum, ubi interrogati fuerunt de eodem articulo, ob quem pius pater noster antea peremptus fuerat. Et eodem modo eis proponebatur, quo & patri. Cumq̃ se nolle decretis & cōsuetudini sanctæ matris Ecclesiæ contraire, cōstantissime p̃fiterentur, eisdem supplicio, tormento, & morti adiudicati sunt, & eadem infra decem dies passi sunt, quæ & pater. Hi tres iuuenes erāt ætate, senilitatem animo, gratia & uirtutibus pleni præclaræq̃ prosapiæ, & tertius eorum, pater Sebastianus, fuerat enutritus in domo domini Regis, omnes apprime docti, & magnæ cōstantiæ, audacter allegantes de scripturis sanctis ante tribunal iudicū, quod Rex nō potuit sibi uendicare ex debito & auctoritate iuris diuini, illam suprematē & primatū Ecclesiæ, quam Papæ & sacerdotibus tribuit Iesus Christus Dominus noster: lucrantēq̃ ad mortem quasi ad epulas, suscipientes eam cum maxima mansuetudine & patientia cordis, alacritate corporis, & hilaritate uultus, sp̃uitæ æternæ, Anno Domini 1535, die XIX. Iunij.

P ij A morte

HISTORIA

A morte istorum sanctorum fratrum nostro-
rum, duo fluxerunt anni, priusquam plures incar-
cerabantur, non tamen sine ingenti nostra tri-
bulatione. Iam enim aduenerat tempus, quale
non fuerat à diebus antiquis. Antea alij pugna-
uerunt pro nobis, & nos siluimus: modo uero
extrema necessitas compulit unumquemque, pro
se rationem reddere, & super custodiam suam
stare, omnibus alijs adiutoribus interdictis, & à
nobis exclusis. Nam non deerat certamen nobis,
ne una quidem hora per quatuor continuos an-
nos præteritos, qua à tribulationibus liberi esse
potuissemus: aut foris erant apertæ pugnae, aut
intus timores, præ expectatione superuenturæ
tribulationis. Mors desiderabatur, sed fugiebat
à nobis. Nam tædio nos superare nitebantur.
Præpositi regimini domus à captione sancti Vi-
carii & suorum sociorum, erant duo sæculares,
qui sæculariter secundarie & nimium inhumane
tractauerunt conuentum. Pascebant semetipsos
fatis delicate, sed conuentum fame & siti pauerunt.
Auferebant enim cibaria ab eis, constituentes eis
parum casei, aut modicum quid tale pro alimo-
nia qualibet die: Introduxerunt quoque non He-
bræos, sed ebrios, non à uino, sed à malitia, qui
illuderent

MARTYRVM ANGLIÆ. LV

illuderent & colaphis cæderent nos ubicunque
potuerunt apprehendere: Subintroierunt & alij
exploraturi libertatem nostram. Habuimus ta-
men tantam fiduciam & audaciam, quod ausi
fuimus scripturis & rationibus dimicare contra
talem regem. Cumq; reperissent, quod fons, qui
influebat aquæductum nostrum (constantiam
dico & fortitudinem illorū, qui non ceciderunt)
à parte australi extra ciuitatem dirigeretur in nos
(nam per gladium spiritus, quod est uerbum
Dei, & testimoniū autenticorum doctorum,
defendebant se uiriliter fratres, parati semper ad
satisfactionem omni poscenti eos rationem de
ea, quæ erat in eis, fide & spe) hunc aquæductum
bellantes in nos inciderunt. Abstulerunt enim
à nobis libros, quos habuimus in cellis nostris,
ut per hoc inermes & aridi à siti efficeremur. Erāt
tamen non longe à muris fontes saluatoris, ex
quibus furtim hauriebatur in gaudio aqua salu-
taris sapientiæ, salientis in uitam æternam: cui
non potuerunt contradicere, nec ipsam tollere
omnes aduersarij nostri. Et, quod omittendum
non est, quamuis aliqui nostrū ita se munierunt
clypeo doctrinæ, plæriscq; tamen illorum plus
contulerunt, & acutius ac intimius transgladiarunt

P iij uerunt

HISTORIA

uerunt corda aduersariorum nostrorum, sancta innocentia & simplicitas, quibus armati, terminos, quos posuerunt patres nostri, noluerunt transgredi, sed ut sancta mater Ecclesia eos docuit, hoc firmiter se tenere semper decreuerunt, & ore confessi sunt.

Insuper præter omnia prædicta mala, insistebant Consiliarij domini Regis, qui creberrime ueniebant ad nos, cum minis & adulationibus, ut à proposito deflecterent nos, qui frequenter nobiscum tam diu in capitulo manserunt, quod nec uesperas nec matutinas in Ecclesia cantando persolvere poteramus, propter tardum eorum digressum, per quæ maximum tædium intulerunt conuentui: Præter quotidianum ciulatum, & fletum parentum & amicorum aliorumque superuenientium, qui moliebantur suis sophisticis argumentis, & persuasionibus separare nos à charitate Christi. Tunc tempus probationis & experientiae aderat, ad quid quenque sua traheret uoluptas, ad Deum, an ad Diabolum. Libertas carnalis (quæ est uera Dæmonum & uitiorum seruitus) concedebatur omnibus exire uolentibus: sed gratias Deo, tanta erat ibi sanctitas uitæ, constantia

MARTYRVM ANGLIÆ. LVI

constantia in animo, modestia in uerbis, hilaritas uultus, alacritas in operibus, & tale modermen in omnibus, quod conturbati sunt omnes, qui uidebant eos: Quanquam Priore orbati erant externo, & pupilli facti absque patre, unicuique tamen sua conscientia Prior erat, interne dirigens ac instruens eos in omnibus. Super quæ attonitus ille Vicarius Regis, nolens uinci à bono, quatuor ex nostris quadam die Dominica iussit rapi extra conuentum, dum essent in celebratione summæ Missæ, & deduci ad Ecclesiam Cathedralem, ubi concursus totius ciuitatis frequentabatur, ubi etiam omnes nobiles & primates totius regni eodem die aderant, propter sermonem declamandum per quendam reuerendum patrem & Episcopum. Quo cum nostri adducti fuissent, in loco celebri statuebantur, adhibita etiam diligenti custodia uicecomitum ciuitatis, sermoneq; finito, remissi erant domum. Non pertinet ad rem, scribere quæ audierunt, sed hoc tantum, quod non profuit illis sermo auditus, non admixtus fidei, ex his quæ dicta erant à pastore ad ipsos.

De

HISTORIA

¶ De constantium fratrum separatione :
De X. fratrum incarceratione & morte,
deq; remanentium fratrum deceptione,
ut iurarent in uerba Regis,
Caput XII.



Considerantes itaque domini Regis
Consiliarij cassam fore omnem suam
industriam & laborē, & quod nullo
modo peruertere eos possent, iniqua
pietate commoti, separauerunt eos ab inuicem,
emittentes tres ex prædictis quatuor, adiuncto
& alio (qui fuisset quartus prima die, si non sa-
cerdos hebdomadarius eadem die extitisset) in
duas alias domus nostri ordinis, in extremis re-
gni partibus, quarto die Maij, Anno Domini
1536. eodem scilicet die, quo & sanctus pater
noster passus est, anno euoluto. In hoc autem
mense, & mense Iunij, per continuos quatuor
annos, maxime efferbuit impetus tribulationis
nostræ, quamuis & alijs temporibus non dele-
ctabamur magnopere in multitudine pacis.
Anno enim Domini 1534. prima incarcerationio
patris nostri accidit, in mense Maij. Eodem men-
se,

MARTYR. ANGLIÆ. LVII

se, anno sequenti, passio eius fuit facta, & incarcerationatio sancti patris Vicarii cum socijs suis. Tercio anno hæc præacta dispersio fratrum, quæ facta fuit non sine lamentabili præuia molestia, & perturbatione totius conuentus. In quarto quoq; anno mense Iulij, alia incarcerationatio decem in simul fratrum, ut infra patebit: In quo etiam mense, anno secundo, passus est sanctus pater Vicarius, cum suis socijs. Et quemadmodum legitur, omnes persecutiones sancti Thomæ Cantuariensis Episcopi, ferijs tertijs accidisse: ita & incarcerationatio & interemptio sancti patris nostri. Passiones insuper reuerendi patris sancti Iohannis Episcopi Roffensis, & beati domini Thomæ Mori, exequutæ fuerunt ferijs tertijs. Pater noster cū suis, ut patet, Episcopus Roffen. 10. Calendas Iulij, anno Domini 1535. Et dominus Thomas Morus sexto die Iulij eodem anno, perempti sunt. Sed ad rem reuertamur.

Nostris quatuor ita eiectionis & dispersis, cogitauerunt Consillarij cogitationem pessimam, ut inferrent manum super eos, qui deserti fuerunt, quasi fuissent absq; muro, uectibus & portis. Et uenerunt cum inhiante ore rapere & dispergere gregem, sed benedictus Deus, qui non dedit

Q cos

HISTORIA

eos in captiōem, dentibus eorum manserunt
 immobiles, firmati supra petrā. Tunc miserunt
 octo illorū ad quandam domum ordinis sanctę
 Brigitię, uocatam Syon, distantem a ciuitate sep-
 tem miliaribus, ut ab inhabitantibus in ea pers-
 suaderentur, consentire Regi. Erant em̄ ibi mul-
 ti uiri famosi & religiosi certe, & isti frenauerunt
 ac restrinxerunt audaciam & constantiam iuue-
 num nostrorum, hac solummodo occasione.
 Supremus namq; confessor ac rector illius con-
 uentus, in extremo mortis articulo constitutus
 erat, tempore eodem, quo fratres nostri inibi ex-
 titerunt: Qui conuocans eos ad se, ait. Obsecro
 uos benignissimi fratres, ut mihi ignoscatis.
 Ego enim sum reus, & causa mortis reuerendi
 patris uestri: Ego animauī eum ad cęptum pro-
 positum mortis subeundę, pro causa, qua & ip-
 se passus fuit, & uos huc adducti estis. Modo ta-
 men aliud inī consilium, & convenientem non
 fore causam illam mortis subeundę perspicio.
 Quibus auditis, aliqui ex nostris, quasi seni ac iu-
 dici populi, & in extremis iacenti crediderunt ei.
 Sed domum reuersis, renitebatur conscientia,
 renueruntque tunc obedire uoci incantantis.
 Quod domini Regis Consiliarij uidentes, qua-
 si

*Hic Diabolus
 per hunc uirū
 locutus est, sicut
 olim per
 serpentē Euam
 seduxit astutia
 sua: Hic eos
 decipit menda-
 cijs suis, sicut
 falsus prophe-
 ta uerum Dei
 prophetam se-
 duxit, quem
 Dominus ad
 Hieroboam
 misit.*

MARTYR. ANGLIÆ. LVIII

si sagittis paruulo. um plagati, uersi sunt in furi-
am, & domus euersionem comminati sunt, nisi
consentirent. Noluerunt per hos tres annos
mittere in eos manus mortis, quàm diu ita om-
nes adunati fuerūt. Triplex funiculus non facile
rumpitur. Hoc quoq; predictū erat nobis, à uiro
eximie sanctitatis in domo nostra, qui morieba-
tur diu ante hoc tempus, cui tum omnipotens
Deus ea, quæ pateremur, in ueritate reuelauerat.
Qui dicere nobis cōsuevit, Nolite terreri fratres,
sitis unanimes in domo & in Domino. Nunq̃
dominabuntur uobis inimici uestri, donec dis-
sentieritis abinuicem. Horum uerborum uerita-
tem iam euidentissime experti fuimus.

Nunc enim cecidit corona capitis nostri. Diui-
sa quippe est maceria: una pars sequebatur Hie-
roboam, qui peccare fecerat Israël, et altera adhe-
sit domui Dauid, memorans iustitiæ Dei solius,
quam didicit à iuuentute sua. Vna pars conuen-
tus, uidentes angustiam rei periculum subuersio-
nis domus imminens, & q̃ nihil profecerint in
resistendo, sed totus mundus post regem abijt,
tædio affecti, commiserunt se in periculo miseri-
cordiæ diuinæ, licet non absq; graui conscienci-
arum suarum læsione, & cum multis lachrymis

Q ij consen-

HISTORIA

Iob 2.

consentientes regiae uoluntati: Idcirco ob hoc solūmodo, ne deleatur una tribus ex Israël. Acceperunt sacramentum iuramenti, dicentes in cordibus suis Domino dum proponebatur. Tu scis Domine, quod falsum & iniquum sit, quod isti extorquent à nobis: Tu scis etiam, quod exceptiones, alleviationes ac epikeias allegauimus, & illi nobis consenserunt: Tu insuper uides angustiam temporis, & quod minantur euerisionem domus, si non consenserimus. Sed pellem pro pelle, & cuncta quae habet homo, dabit pro anima sua: Non sunt facienda mala, ut eneniāt bona. Cum corda omnium nosti, & quod libenter reniteremur eis, obsecramus clementiā tuam, ut modū istum, quem exequimur forinsecus in positione manus um nostrarum super librum sancti Euangelij, & eum osculando, non respicias, neque accipias quasi affirmantes simus siue consentientes regie uoluntati, sed tantummodo suscipias in uenerationē sacrorum uerborum in Euangelio descriptorum, hanc externam nostram simulationem, ob praeseruationem domus, si tuae bonitati placuerit. Haec est qualiscunque licet friuola excusatio, quam pro titubantibus allegare possum. Et certissime scio, quod reuera ita acta sit: Sed non in hoc iustificati

MARTYR. ANGLIÆ. LIX

cati sumus, nolo recitare historiam Naaman, nec aliud inferere de libro Baruch, ad hanc simulationem nos inducens, ne declinem cor meum ad excusandas excusationes in peccatis, sciens quod scriptum sit: Nisi iustitia uestra precelluerit iustitiam Scribarum & Phariseorum, non intrabitis in regnum celorum.

Et hoc in ueritate comperientes residui de cōuentu, noluerunt facere præseruationem lapideæ domus preciosiorem q̄ se, sed præponentes statim materiali domui salutem animæ suæ, cuncta quæ habuerunt, libenter dederunt pro anima sua, & nullam suscipere uoluerunt redemptionē per aliquam simulationem, sed constanter contradiexrūt Regi, ut meliorem inuenirent resurrectionem, & domum non manufactam haberent in cœlis. Numerus istius residuæ partis fuit denarius, tres sacerdotes, quorum unus uocabatur Richardus Beerer, alter Thomas Iohunson, & tertius Thomas Greenez, unus Diaconus, uocatus Ioannes Dany, et sex conuersi, qui fuerūt, Vuilhelmus Grenewode, Thomas Scryuē, Robertus Salte, Vualterus Person, Thomas Redyng, & Vuilhelmus Horne, omnes professi eiusdem nostrę domus Londoniensis. Et hi om

Q in nes

HISTORIA

nes retruſi erant quarto Calen. Iuniꝝ, anno Domini 1537. in carcere foetidiffimo, in ciuitate uocata Nenugate, ubi omnes in breui, uno excepto, propter ſqualorem & foetorem carceris moriebantur. Quod audiens ille prænominatus Regis Vicarius, admodum egre tulit, duriusque uexaturum ſe eos, ſi uixiſſent, cum magno iuramento affirmabat: Ille autem frater conuerſus ſuperſtes, in carcere nomine Vuilhelmus Horne, per quadriennium ibi manſit incolumis. Tandem eductus, quarto ſcilicet die Nouembris, anno Domini 1541. morte, quam & reuerendus pater noſter paſſus eſt, & ipſe finiuit uitam ſuam, euſceratus & in omnibus dilaceratus membris, ſicqꝫ patrem ſequuta eſt ſua proles, inter omnes diutiſſime & duriffime uexatus, & necatus pro amore leſa, & pro fide ſponſæ ſuæ Eccleſiæ Catholice, potius quàm falſum dicere aut iurare uoluiffet.

¶ De duorum reſiduorum fratrum ſuſpenſione, & finali conuentus & domus deſolatione,
Caput XIII.

Præterea

MARTYR. ANGLIÆ. LX

Praterea dum hæc ita circa nos age-
rentur, facta est cōmotio magna in
regno, & insurrectio vulgi aduer-
sum Regem; Qua sedata, quidam
nobilis, uicinus illi domui, ubi duo predictorum
quatuor dispersorum fratrum hospitabantur,
adit præfatum Regis Vicarium, suggerens ei,
illos duos monachos Carthusianos domus
Londoniensis, quos miserat in aliam domum ei-
usdem ordinis, prope uillam de Hulle, adhuc re-
bellasse, nolentes obedire Regis imperio. Quod
ille audiens, dedit ei potestatem tractandi eos se-
cundum legis rigorem. Qui desiderata & præ-
optata iussa completurus, adduxit eos foras in
ciuitatem Eboracensem, ubi coram duce North-
folciæ, in tempore, scilicet quinto Idus Maij, an-
no Domini 1537. tritici reddiderunt mensurā,
suspensierant in catenis, donec omnia ossa eo-
rum ab inuicem deciderent. Horum nomina fu-
erūt, Ioannes Rhocheſter et Iacobus Vuannert,
ambo monachi sacerdotes et professi ex domo
nostra Londoniarū. Alij duo cum eisdem expul-
si, in aliam partem regni post integrum annum
& dimidium, per uisitatores ordinis limitatos
& constitutos, ab ipso Regis Vicario missi fue-
runt,

HISTORIA

runt, ad prædictam domum ordinis D. Brigittæ, ubi aliqua disceptatione cum eisdem habita, incidebant tandem in illam simulationem (quibusdā epikeijs adhibitis) in quam & ceteri consentientes regię uoluntati, spei quidem frustratæ innixi, uanisq; persuasionibus & promissionibus illecti, abstracti, & seducti. Promittebatur enim indelebilis inconcussaq; stabilitas & præseruatio domus, nobis cōsentientibus regię uoluntati. At nullam citius deleuerunt.

Infra annum enim, postquam nos consenseramus, irritum illi fecerunt suum pactum. Omnes namq; nos expulerunt à demo, duxeruntq; in Babylonem. Numero quidem duodecim profusos monachos, tres hospites, & sex conuersos professos, Anno Domini 1539. die decima quinta Nouembris, die inquam amara ualde, qua hæreditas nostra uersa est ad alienos, domus nostra ad extraneos, factaq; domus struthionū, lupanar, prostibulum, diuersorium scortantium, & frequentatus locus palæstrarum & lusoꝝum. In Ecclesia autem regia tentoria & arma bellica reponebantur, imagines non solum sanctorum, sed etiam sancti crucifixi cultellis cōciderunt, & pedibus conculcauerunt: super altaria

MARTYRVM ANGLIÆ. LXI

ria sancta saltantes, choreis luserunt & aleis, ac alia plura detestabilia & nefanda in illo loco sacro, potius deflenda q̃ recitanda, commiserunt. Anno tamen penultimo transacto, mundata est domus nostra ab his spurcitijs, & data cuidam militi, nomine Edimardo Northe, qui inibi iam sibi construxit palatium, de Ecclesia triclinium suum fecit, & propemodum totum claustrum evertit.

Hæc est summa legationis meæ, Reuerende Pater, & ille est somnus, quem dedit Dominus dilectis suis, filijs uestris, quoniam fructus est iusto. Itaque iudicauit eos Deus in terra, ut fructum plus afferrent in patientia, & maiorem gloriam acquirerent in hæreditate Domini: quam à Deo datam esse his sanctis suis, qui fidem suam nunquam mutauerunt ab eo (qui-

bus cooperantur omnia in bonum diligentibus se) non ambigimus.

R De reuela-

HISTORIA

¶ De reuelationibus, quibus Dominus sanctos
Martyres suos post mortem glorifi-
cavit, Cap. XIII.



Esa. 61.

Prætermittens autem legem & testi-
monia, etiam internam certificatio-
nem & testificationem in spiritu
quibusdam ex nostris factas, de ui-
ta & gloria sanctorum martyrum nostrorum, pau-
cis tangam quoddam miraculum, deinde manife-
stam uisionem & aliam reuelationem, ut sciatur in
gentibus semē eorum, et germen eorum in medio
populorum, ac omnes uidentes & audientes, cog-
noscant quia isti sunt semen, cui benedixit Do-
minus. Quidam frater erat, nomine Richar-
dus Crotus, in domo sanctæ Annæ nostri ordi-
nis, sita iuxta ciuitatem Conuentriæ, qui in bres-
ui post mortem sancti patris nostri, & prædicto-
rum fratrum, prægrauatus temptationibus uarijs,
incidit in laqueum Diaboli, desperando de mise-
ricordia Dei, destinauitque se mergere in pisci-
nam quandam, quæ erat in horto conuentuali.
Ad quod perficiendum, exiuit cellam suam in
tempestæ noctis silentio, circa horam quidem
nonam: perueniensque ad dictum locum, uolu-
it

MARTYR. ANGLIÆ. LXII

it se statim immittere, & non potuit: Perambu-
lanſque ſuper ripam fluminis huc atque illuc, uſ-
que ad horam undecimam, ſæpe tentauit ſuum
iniquum conceptum perficere, ſed ſemper præ-
pediebat. Cumque conueniente ad matuti-
nas conuentu, ipſe tardaret uenire, egreſſus eſt
infirmarius accerſum eum, eoſque non inuento
in cella, ſignificauit Priori: Qui cum alijs ueniens
in cellam abſentis, uiderunt ſcalam innixam mu-
ro horti cellæ ſuæ, per quam ſuſpicati ſunt illum
fugam feciſſe, hanc tamen nutu Dei unus illo-
rum ſcandens, introſpexit in hortum conuentua-
lem. Et ecce uidit ſtatim circa piſcinam lumen ma-
gnum, quod cum patri ſuo Priori alijsque aſtan-
tibus indicaret, cucurrerunt illuc omnes cum fe-
ſtinatione. Quo ingreſſi uiderunt fratrem am-
bulantē in una parte piſcing, ſæpe conantē ſe mer-
gere, & ſemper repulſum, lumenq; magnū non
omnes, ſed duo tantū eorum uiderunt in altera
parte, in qua affirmabant pro certo, uidere ſe et-
iam patres noſtros omnes qui paſſi fuerant, in-
tromittentes ſe inter fratrem & aquam, quotieſ-
cunque attentauit ſe immergere uel immittere.
Cum uero iſti approximarent ripe piſcing, diſpa-
ruit lumen, cōprehenſumq; fratrem, toto corpo-

R ij re

HISTORIA

re trementem, uixque loqui ualentem, duxerunt in cellam suam, ubi pyra accensa, & spiritu eius aliququaliter refocillato, interrogauerunt eum, quid nam facere intendebat. Respondit ille, se perrexisse illuc, ut se immergeret, & citius liberaretur ex hac mortali uita, sciens damnatum se esse, sed non potui, ait. Detentus enim eram à quibusdam, qui me introgressurum impediuerunt, & se semper interposuerunt inter me & aquam: tamen neminem uidi, nec scio qui nam erant. Reuerendus pater illius conuentus, qui etiam huic spectaculo aderat, propalauit hoc quibusdam fratribus in domo nostra, addens insuper eundem fratrem liberatum fuisse immediate à grauisima sua tentatione.

Modo ad reuelationem uenio. Duo erant fratres in nostro claustro Londoniensi, pio & familiari amore adunati. Contigit autem unum illorum, nomine Robertum Fabri, in breui post mortem reuerendi patris nostri decidere in lectum ex infirmitate, qua denique & mortuus est. Ad quem aegrotantem accessit alter, nomine Ioannes Darley, sibi ualde familiaris uisitandi gratia, qui inter cetera dixit infirmo. Dilecte frater,
uiam

MARTYR. ANGLIÆ. LXIII

uiam uniuersæ carnis iam pergis, te intime ob-
testor, quòd quando bene tibi fuerit, huc reuer-
taris Deo ita disponente, & indices mihi quid
actum sit cum patribus nostris, & in quo statu
sint. Respondit alter se facturum quod petierat,
si ita fuerit uoluntas in cœlo. Post unam septi-
manam appositus est infirmus ad patres suos,
iamque quintus dies post eius obitum aduenit,
& alter frater, qui uiuus erat et incolumis, deam-
bulabat in cella sua circa horam quintam in au-
rora, orans & quid salubre ruminans in mente
sua. Apparuit subito frater, qui erat mortuus in
ueste candida, & factus est socius itineris. Qui
requisitus, quis esset, respondit: Frater uester,
qui tali die migrauit ex hac uita. Interrogatus
que quomodo secum esset, & cum patribus no-
stris, Bene (ait) mecum est. In cœlesti gloria sum,
fruens Dei uisione gloriosa, Gratias ago Deo
meo: sed in multo minori & inferiori gloria
sum constitutus, quàm patres nostri, qui passi
sunt. Illi enim sunt in magna gloria, pro marty-
rij palma coronati. Et pater noster Prior huius
domus, habet unam coronam præ ceteris splen-
didiorē. Hec dicto disparuit

Hæc uisio postmodum relata fuit Consilia-

R iij rijs

HISTORIA

rijs domini Regis, qui accersito fratre, cui ostensa fuit, post multas inquisitiones & exprobrationes comminati sunt ei, ne cuiq; eam intimaret, uestræ tamen Fraternitati illam retuli, quocertio rem eam facerem, de gloria retributionis eorum in hæreditate Domini, tametsi illa per legem magis & testimonia innotescere queat, cum passi sint pro ueritate & iustitia, cui ex debito promissionis diuinæ debetur regnum cœlorum; de qua iustitia distonum est me loqui, cum sim iniustus & eam dereliqui. Et certe si erubescere possem, & mihi non esset cor prauum & malignum, immo diabolicum, mihi præ dolore & confusione magis liberet plorare, q̄ scribere, confyderanti, ubi sum & ubi non sum, quæ habeo & quæ amisi, quo tendo & unde excludor. Sed condeleat obsecro sanctitas uestra miseris meæ, & subueniat mihi apud altissimum suis sanctis orationibus, ne Dominus erubescat me, cum uenerit in maiestate sua coram Deo & angelis suis, quem ego multipliciter erubui, & enormiter inhonoraui prauis actibus meis: Et constituat mihi locum habitationis in domo N. (cuius reuerendî patris Prioris, & deuoti conuentus importuna interpellatione, hoc scribendi onus assumpsi) ubi recondam

MARTYR. ANGLIÆ. LXIII

condam & tegam perfecta pœnitentia pullos
meos, quos genuit mihi miseria mea in terra cap-
tiuitatis meæ, & recuperem annos per gratiam
Dei, quos comedit locusta in iniquitate & mali-
tia mea. Idem opto pro quodam deuoto fratre,
nomine Ioanne Perdon, qui simul mecum per-
regrinatur in terra aliena, hospite in domo no-
stra Londoniarum, tempore ipso dissolutionis:
& pro quodam fratre conuerso, nomine Hugo-
ne Taylour, eiusdem nostre domus Londonia-
rum professo, qui mecum huc aduenit. Et hoc
munus non sculptum & politum, sed in sciolum &
agreste, non de manu offerentis aurum uel ar-
gentum aut lapides preciosos, sed de uitulo no-
uello, cornua producente & ungulas, placido
ac sereno uultu accipiat quæso benigno ani-
mo. Valeatque reuerenda Paternitas ue-
stra, quam seruet incolumem cum om-
nibus suis in uitam æternam pius &
misericors Iesus Christus Do-
minus noster, Amen,

Epistolæ

EPILOGVS.

Hæc habui, quæ in præsentiarum de sanctis illis Martyribus commemorarem, summa tantum rerum secutus fastigia. Nam singula ad longum referre, quæ ipse quidem non ex alijs accepi, sed præsens comperi, quorumque omnium pars ego magna fui, nimis & mihi & Lectori fuerit tediosum, cui rei gestæ historiam simpliciter ob oculos ponere, nō longis ambagibus uel exquisitis commentarijs onerare uisum nobis fuit. Illud tamen uelut auctarij uice adijciendum putauī, quod nemo eorum, qui nobis perniciem, exitiumq; machinati fuerant, diu superuixerit, diuturnamque uoluptatem ex suis istis facinoribus perceperit: cum non multo post omnes uel uolenta eaq; ignominiosa morte perierint, uel alioqui ad summam egestatem peruenerint, inq; extremas uitæ humanæ calamitates inciderint. Nam ipse Thomas Cromwel, Vicarius Regis, infra biennium à nostræ profligationis tempore propter crimen læsæ maiestatis, capite mulctatus est. Custodes uero domus nostræ, ad inopiam & mendicitatem relabentes, miserè uitam suam finiēre. Item mulier quædam ex contemptu & pertinacia Ecclesiam nostram ingressa, nobis sacrum facientibus, infra quintum diem infortunatè

ter, hoc est, in magno acerbissimorum cruciatuum dolore expirauit. Adeo uerum est, quod ait Psalmista : Preciosa in conspectu Domini Psal. 115.
mors sanctorum eius, ut quæ & finis sit laborum, & uictoriæ consummatio, aditusque & ianua ad uitam sempiternam. Sicuti è contrario mors impiorum pessima est, quorum & natiuitas mala, & uita quidem tanto peior, quanto ipsi sanctis martyribus insuper cœlesti gloria constitutis, post decursum istud afflictæ militiæ spatium, sunt inferiores: quippe quorum meritis ipse Dominus Deus, tanquam iustus iudex, æterna destinauit supplicia, idque in ipsa flagrantis indefinenter gehennæ abyssu, à qua uos misericorditer tueri non dedigneur Dominus noster Iesus Christus, unicus nostræ salutis reparator.

AMEN.

S PRE

PRECATIO.

O pie cunctorum pater & miserator Iesu,
Largifluusq; omnis fons & origo boni.
Qui clipeo fidei confirmas corda tuorum,
Vt sanctum celebrent nomen ubiq; tuum,
Despiciantq; undas, ferrumq; ignesq; crucesq;
Verbera carnificum, uulnera, probra, neces.
Dummodo persistant precioso in amore perennes,
Quo mens ardescit tota sacrata tibi.
Nos quoq; magnanimos prae te contemnere mundi
Omnia, perficias seu bona siue mala.
Vt cum martyribus quondam foeliciter istis,
Contingant nobis gloria, uita, decus.

Carmen insigne, De institutione ordi-
nis Carthusiensis.

Insolidum, sed grande tamen cunctisq; tremendum,
Iudicium in terris prodidit ecce Deus.
Doctrina uitaq; simul clarissimus olim,
Doctor obit funus maxima pompa colit.
Dumq; sacerdotum solemnina personat ingens
Turba, Caput feretro protulit ille suum.
Vocq; terribili sese (est res mira) professus,
Iusto accusatum iudicio esse Dei.
Exanimisq; iterum, finita hac uoce recedit,
Obstupere omnes ac timuere nimis.
Quare aliam statuere diem qua corpus humetur,
Adfuit hic sapiens, inspiensq; simul.
Dumq; alius mirans, alij noua gesta recenset,
Exurgens iterum, subdidit ista dolens.
Iusto lata Dei de me est sententia nostri
Iudicio, his dictis uita repente fugit.

Obriguere

Obriguerē omnes, dubijq; ad uerba sequentem
 Vsq; diem seruatum, ossa tegenda uiri.
 Fama uolat, diues, pauper, iuuenesq; senesq;
 Accurrunt: funus iam sepelire parant.
 Tunc alto mœstoq; simul clamore profatur,
 Iusto damnatus iudicio ipse sui.
 Hinc Bruno sex suas socijs, deserta petiuit,
 Ductor ad hoc archam religionis iter.
 Quos prius in somnis septem per sidera Hugoni,
 Dignatus Deus est prodere Pontifici.
 Qui Carthusiacos montes his cœsit amice,
 Inclita nunc quorum sanctaq; fama uiget.

SAPPHICVM CARMEN
 Sebastiani Brant. LL. Doctoris, de laude
 ordinis Carthusiani.

Spiritus sancti mihi gratiam da
 Summe cœlorum moderator ô rex,
 Ordinis laudes ualeam sonare
 Carthusiani.

Ecquis ad uitam leuius beatam,
 Quisue secure, citiusue tendit?
 Tutius quis nam sua fata anhelat
 Carthusiano?

Bruno tu scilicet merito fereris,
 Qui uiam latam fugiens sinistræ,
 Arripis dextram, prior atq; factus
 Carthusianus.

Abdito quærens socijs receptis
 Vt loco degas, eremum legebas,
 Hortus insignis duce te rigatur
 Carthusianus.

S ij spera

Spernis hæc mundi, bona quæ putantur:
Præteris cleri tumidos honores:
Quos quæcas plures habuisse, factus
Carthusianus.

Tu sacri iuris fueras peritus:
Paginæ sanctæ docilis magister:
Charus & multis, nihili ista pendis
Carthusianus.

Inter amfractus, dubiasq; mundi
Semitas: arctam peregre capefcis
Et uiam certam propere insequutus,
Carthusianus.

Addo quod Papam uariasq; pompas
Curie tenuens: Calabros adisti,
Hos doces normam, struiturq; turris
Carthusiana.

Nullus obstabat labor aut grauamen,
Quo minus semen iaceret salutis,
Corda fecundans, bonus iste miles
Carthusianus.

Bruno tum demum uenerande claudis
Vltimam uite, peragisq; metam:
Pace transmigrans superas ad aulas
Carthusianus.

Regulam linquis satis eminentem
Patribus multis placidam sacratis.
Pontifex summus probat & decorat
Carthusianos.

Arce nec celsa potuit latere
Ciuitas, lumen modio tegi nec:
Crescit, & passim procul auctus ordo
Carthusianus.

Non

Non rigor quondam Scythiæ, aut Canopi

Accolis maior, Nitricæ montis:

Quàm seruent casti modo, sobriiq;

Carthusiani.

Hactenus nunquam fluuio perhenni

Deserit fontis ueteris saporem,

Degener nunquam fuit ordo uisus

Carthusianus.

Vos odor Christi bonus, aggregatus

Ex cœnobitis & anachoretis,

Plane Baptistam tamen æmulantes

Carthusiani.

Mundus haud dignus fuit, ut teneret

Abditos cellis eremum colentes,

Pellibus cinctos capreis, melotis,

Carthusianos.

Lugeant quamuis spacio momenti,

Et licet semen iaciant gemetes,

Attamen lati ueniunt manipulis

Carthusiani.

Inclytos fructus parit & suaves

Arbor, hanc uitem probat hortulanus,

Palmites quæ fert uiridantis uuæ

Carthusiano.

Sabbata & scædus Domini tenetis,

Estis eunuchi Domini uolentes,

In domo uobis locus est herili

Carthusiani.

Vnicus tecti tuguriq; custos,

Peruigil passer, meditans columba,

Et Pelicanus, eremi colonus

Carthusianus.

S iij Tur

Turtur ô Christi speciose, moerens
Tu gemis sponso uiduate charo,
Fronde non curas uiridi cubare
Carthusiane.

Respuls quicquid iubeat uoluptas,
Balneum uitas, teneros amictus,
Carnibus uesci fugis, abstinendo,
Carthusiane.

Ipse non quæris hominum diem, nec
Arrogas laudes populi caducas,
Gloriæ spernis stimulos inanes
Carthusiane.

Vnius flocci patriam, parentes,
Liberos, fratres, facit & sorores,
Atq; fortunæ bona cuncta temnit
Carthusianus.

Sæculi sordes fugit & prophanat
Et suam uitam, nihil ista curat,
Dulce nil Christo sine, nil amœnum
Carthusiano.

Qui iugum letus teneris ab annis
Pertulit, solus sedet & tacebit,
Se super gaudet fore se leuatum
Carthusianus.

Veste procedit cito nuptiali
Obuiam sponso, manibus nitentes
Lampades gestans, oleo decoras
Carthusianus.

Excubat, longas meditatur horas,
Crastinæ nullus labor est diei,
Quidûc manducet, bibat aut fruatur
Carthusianus.

Insu^{per} carnem uiolant domando
Incolunt cellas, uigilant, precantur,
Abstinent, corpus maceratum flagellis
Carthusiani.

Vnius iussu^m tolerant Prioris
Quicquid mandat, peragunt uolentes,
Præcipit si quid grauius, face^{sc}unt
Carthusiani.

Rarior casus, facile inde surgunt,
Paruulos petreæ propere atterendo,
Baltheo lumbos, ueneremq; stringunt
Carthusiani.

Id quod elongans facit bos subire
Claustra deserti fugiunt, manentes,
Milites Christi lachrymis uacando
Carthusiani.


Sint licet plures populo ferentes
Pabulum, pauci faciunt, sed eheu
Quæ docent solus opere ista monstra^t
Carthusianus.


Recte scælicem, penitus beatum
Teque perfectum, sine labe, dicam,
Iam Vale nostri memor ordo sancte
Carthusiane.


FINIS.


Moguntia^e apud S. Victorem excudebat
Franciscus Behem. Anno


M. D. L.











005647465

